



Fluho di placa pa cubri necesidad basico di institucionnan educativo no ta suficiente

Pagina 4

- **Cualkier alternativa
pa dump mester di
permiso, pero sin
legislacion**

Pagina 3

- **Planta di hidrogeno
na Aruba lo mester
ta cinco biaha mas
grandi cu esun na
Mallorca**

Pagina 4

- **Hulanda:
4 mucha hospitalisa
despues di a
consumi cocaina
haya pafo di scol**

Pagina 8

Koningin Wilhelmina Fonds Aruba a anuncia su colecta anual di fondo



Pagina 2



MFK ta lamenta
declaracion
tocante trafico di
droga di miembro
di partido

Pagina 8

Colombia: Nuebe militar ta fayece despues
di atake di ELN



Pagina 10

Minister Wever y Minister Croes: ELMAR tin te cu diabierna pa bin cu un propuesta

Diferencia entre narrativa di minister di Energia y minister di Asunto Economico

Ayera den un comunicado di prensa, minister di Asunto Economico, Geoffrey Wever a informa cu a duna compania di coriente di Aruba, Elmar, te diabierna pa bin cu un propuesta financiero pa establece prijs di coriente desde dia 1 di februari. Esaki den su capacidad como e minister encarga cu tarifa. Mientras tanto, su colega minister di Energia, Glenbert Croes, ta bisa di ta den dialogo continuo cu Utilities.



Den luna di juli di aña pasa WEB y ELMAR a informa Gobierno di Aruba cu como consecuencia di e aumento di prijs di petroleo riba mercado internacional, mester aumenta e prijs di awa y coriente. Gobierno di Aruba a verifica tur calculo y cifra financiero y a duna un aprobacion di 6 luna pa aumenta e prijs di coriente, bao di condicion cu 1 februari 2023 mester reevalua esaki, pues e aumento ta valido te cu 1 februari 2023. E aumento aki tabata necesario pa garantiza e suministro di awa y coriente na Aruba.

“Mirando cu no tin un apro-

bacion di Gobierno di Aruba pa un ahuste di e prijs di coriente pa e periodo despues di 1 februari 2023, e facturanan cu ELMAR a emití over e luna di februari 2023 ta den violacion di e concessievoorwaarden y nos a informa ELMAR na varios ocasion di esaki a traves di varios carta cu mi a manda ELMAR den nomber di mi mes como e minister encarga cu tarifa segun e concessie y tambe den nomber di colega Minister

Glenbert Croes, cu ta encarga cu energia di Aruba”, Minister Geoffrey Wever a indica den un comunicado di prensa.

Segun e comunicado, ayera Minister Wever a suministra un carta den nomber di Minister Croes y Minister Wever na Elmar “pa informa cu nan tin te cu diabierna awor 31 di maart, 2023 - 12:00pm pa bin cu propuesta financiero pa nos por establece e prijs di coriente desde 1 februari. Prijs di coriente ta halto y ta afecta e costo di bida di tur nos ciudadanonan. Banda di esaki e ta un peso grandi pa gasto nan operacional di empresanan cu ta conduci inflacion directamente. Pa es motibo no por ta asina cu un tarifa ta wordo cobra cu no a wordo aproba door di Gobierno di Aruba.”

Segun e comunicado ta indica, Minister Glenbert Croes di su banda tambe ta den dialogo continuo cu Utilities, WEB y ELMAR pa varios siman caba y sa cu e empresanan ta trahando riba un propuesta pa Gobierno y ta confia cu pa diabierna e grupo di compania estatal lo cumpli



cu demanda di Gobierno pa bin cu un propuesta nobo. Sinembargo, den luna di maart minister Croes mes no a menciona e problema cu e facturanan ta den violacion di concessievoorwaarden. Den un comunicado di prensa dia 6 di maart, a bisa: “Continuando cu e esfuerso di Gobierno di Aruba pa baha e prijs di awa y coriente, Minister Glenbert Croes a reuni cu e directornan di e companianan estatal, Utilities, Web y Elmar pa continua cu e plan pa baha e tarifa di awa y coriente. Minister Croes a splica cu e plan ta den proceso y unabes e ta cla, gobierno lo

aprob’e pa asina, kisas na un forma gradual, cuminsa baha e prijs di awa y coriente. Gobierno di Aruba naturalmente lo tene cuenta cu e recuperacion di e companianan estatal, pero semper lo tin como prioridad e bienestar di Aruba su comunidad.” Den esaki no a duna ningun indicacion di e varios carta cu minister Wever lo a manda e compania estatal.

Sinembargo, segun e comunicado di Wever, ambos minister ta trahando hunto awo pa yega na un solucion. Diabierna lo mester bin mas claridad.

Koningin Wilhelmina Fonds Aruba a anuncia su colecta anual di fondo



Ayera atardi, Lilly Prince, director di Koningin Wilhelmina Fonds Aruba (KWF), a duna un conferencia di prensa pa informa comunidad cu den luna di april ta bay cuminsa nan colecta anual cu ta bay tin un duracion di dos luna, pa asina ey por haya mas fondo pa e fundacion por sigui yuda comunidad.

Primeramente, Prince a conta cu e gastonan pa e fundacion na aña 2022 tabata 141.588,80 florin den total, cual a parti den cuido na cas pa pashent terminal (90.684,77 florin), a paga na e verpleegsters cu a asisti pashentnan na cas transporte pa e pashentnan por bay na radio terapia, kimoterapia, entre otro (41.634 florin), y e damanan cu tin cu

haya nan protesis y nan brazier (9.770,03 florin). Prince a bisa cu nan tin 135 pashent cu ta sufri di cancer di prostaat (20), cancer di colon (17), cancer di pecho (16), cancer di pulmon (17) y cancer di pancreas (18), entre otro tipo di cancer cu tin dos of tres caso. Tambe el a haci un peticion particular na e damanan cu

ta inscribi den e fundacion pa nan haya nan protesis. El a trece dilanti cu nan tin entre 35 pa 50 dama cu ta wordo yama casi tur siman; fundacion ta yama nan pa busca nan protesis, pero na e momentonan aki nan no ta hayando contacto cu e pashentnan aki pa diferente motibo. “Nos kier haci un peticion, cu si bo ta bin na remarca, cuminsa yama na Wilhelmina Fonds den oranan di mainta pa nos asisti bo cu esaki”, Prince a sigura. Tambe el a duna di conoce nan campaña di colecta di fondo cu ta bay cuminsa diasabra awor dia 1 di april y ta bay prolonga te luna di mei. Tur diasabra di e dos luna aki

(menos 8 di april cu ta Sema-na Santa y diasabra prome cu dia di mama cu ta 13 di mei) e boluntarionan di Wilhelmina Fonds ta bay ta para na diferente puntonan como brug di Renaissance, Caya Betico Croes, Imelda Kleuterschool, rotonde di Santa Cruz, Rotonde di Noord, rotonde di Tanki Flip y algun hobennan ta bay ta dilanti Botica Benu na San Nicolas.

Prince a bisa cu tur e gastonan cu a wordo menciona caba ta bay directamente pa comunidad, pa loke nan ta espera cu pa e dianan aki nan por haya mas fondonan “pasobra bo no sa nunca pa ken e donacion aki ta bay, Prince a finalisa.



Cualquier alternativa pa dump: *Mester di permiso, pero sin legislacion*

Desde cu recientemente a bira conoci cu tin un peticion pa permiso pa actividad relaciona cu desperdicio na dump di Parkietenbos, hopi persona a puntra nan mes ta pakico ta pidi permiso, si e dump a opera pa mas di 7 decada sin esey. Esey ta un critica corecto encunto pasado y presente, sin embargo, no por djis cera e lugar y laga esaki manera cu e ta, pasobra e ta representa un peligro continuo pa e vecindario y Aruba en general y mester converti esaki den algo, en todo caso, no dañino.

Esaki naturalmente ta conoci pa bastante aña caba, y gobierno di diferente color a bin cu diferente opcion di cual ningun a resulta. Mientras tanto e tradicional 12 or a bati hopi tempo pasa caba y e pregunta ta kico por haci awor. Porcierto e entidad TNO a entrega un rapport amplio na gobierno di Aruba na 2017, den cual ta resumi e principal tareanan cu mester checuta di cualquier manera, pa por conserva e sero aki sin peligro, si e opcion ta pa conserv'e como landfill. A continuacion e aspectonan mas importante di e rapport aki.

Pa cumenza TNO a constata cu e tempo ey (2017) cu e dump lo a yega su volumen maximo dentro di dos aña, cu un capacidad ainda di almacenar 260.000 m³. Cu e ciere na december ultimo esey a sucede anto casi cuatro aña despues di e fecha final anticipa.



Kico ta e situacion na dump?

Inventarisando e alternativa nan, TNO ta resumi como posibilidad, en vista di e deseo di yega na un maneho mas sostenible di desperdicio, pone un capa di material protector riba e sero, cu por consisti di diferente material. Ta menciona como posibilidad mas apropiada pa e capa usa tera/granit ya cu ta material disponible localmente y tambe cu empresa(nan) local por haci e obra.

Sin embargo, TNO ta constata tambe ausencia di dos requisito importante, esta cu no tin un sistema di recuperacion

di gas cu ta mayoritariamente metano (CH₄) y dioxido di carbon (CO₂), calcula pa yega na 2020 na 1000 m³ pa hora (!). Sin un sistema di recuperacion di gas ta keda peligro di emision halto di gas invernador (CH₄), mal holor, explosion y candela. Inclusion di un instalacion pa recupera gas lo por a bay costa alrededor di 500.000 euro (ca. Afl. 1 miyon). Gas recupera por percura tambe pa beneficio financiero (benta di energia). Ta indispensable tambe un sistema di monitoreo di awa den subsuelo pa haci recuperacion di e sitio, pa e peligro di contaminacion di awa den subsuelo y na su-

perficie cerca di e landfill. E sistema aki lo por a costa un 150.000 euro adicional.

Uso alternativo

Tambe TNO a menciona e uso alternativo di e landfill despues di recupera y estabiliza e sitio. Entre e posibilidadnan a surgi un proyecto di un parque di energia solar combina cu generacion di energia electrico, for di gas recupera na e lugar. Esaki lo por conduci na un solucion sostenible pa e actual problema ambiental pa comunidad, segun TNO.

Pakico 'hindervergunning' awor?

Ta obvio cu trabao riba e dump no por tuma lugar sin cu lo tin cierto molester pa e vecindario. Cualquiera momento cu mester traha riba e sero ta inevitable cu stof y posible gas toxico ta bin den aire y cu biento ta plama esey den su alrededor. Ta necesario pa e trabao nan ta limita den nan consecuencia, pa cierto norma pa mantene e molester dentro di cierto parametro considera aceptable. E problema grandi ta cu Aruba no conoce legislacion encunanto emision di e.o. gas y stof toxico, ni e supervision necesario pa esaki; algo cu TNO ta constata tambe. Normalmente un permiso lo mester contene e limitacionnan al caso. Sin embargo, mirando e no existencia di norma pa emision di material toxico o dañino, lo por anticipa cu e permiso cu ta bay otorga ta duna solamente condicion general y no especifica, lagando espacio pa molester na vecindario, cu y a pesar di e permiso. Un permiso por ser mara na condicion di por ehemplo cierto equipo di medicion di presencia di gas dañino o toxico, pero ta keda falta e leynan cu ta stipula nivel aceptable di presencia di gas y stof. Tur esaki anto ta pregunta pa contesta ainda di banda di autoridadnan. Esaki ta bira atrobe e siguiente proyecto grandi sin legislacion ambiental, algo realmente inaceptable na 2023.



Planta di hidrogeno na Aruba lo mester ta cinco biaha mas grandi cu esun na Mallorca

Relaciona cu e proyecto Aruba Hydrogen Valley, Minister di Energia, Glenbert Croes e biaha aki ta na Spaña pa bishita e planta di hidrogeno "Power to Green Hydrogen Mallorca". Den un publicacion ariba Facebook di Gabinete Wever-Croes II, Minister Croes a duna un splicacion di su bishita na e planta aki y con esaki lo yuda den e plannan pa e proyecto aki.

Segun Minister Croes a indica, e planta di Mallorca ta manera un refineria di hidrogeno pero den un tamaño mas chikito, pero pa Aruba, e minister a indica cu mirando e necesidad y consumo, e planta lo ta un averahe di 5 biaha mas grandi. "Pa Aruba como lider di e proyecto aki den e region Caribense, lo ta importante pa e suministro di hidrogeno no solamente tin su impacto riba e economia y comunidad di pais Aruba sino tambe riba e region."



E obhetivo di e bishita na e planta aki tabata pa por mira y reuni cu e stakeholders, gobierno y institucionan cu ta trahando riba e proyecto aki, pa nan yuda, guia y asisti Aruba den e proyecto "Aruba Hydrogen Valley".

Manera ya caba a keda anuncia, e zona di refineria di Aruba lo wordo transforma den un "hydrogen valley" na unda

tambe lo tin otro proyec-tonan di energia renobabel y sostenibel cu ta fundamental pa medio ambiente y pueblo di Aruba.

For di analisis di Bon Dia Aruba por conclui cu produccion di hidrogeno na Aruba lo ta primeramente orienta riba uso den produccion di energia electrico pa e red di WEB/Elmar. Esaki ta implica cu lo

usa hidrogeno como backup, y no pa produccion regular di electricidad, cu awor ta via HFO y manera planifica via gas natural, pasobra e produccion di hidrogeno ta tuma un bon cantidad di electricidad (renovable) pa produci.

Lo mester di hopi mas energia limpi pa por produci tanto hidrogeno y energia pa uso directo den e red di distribu-

cion, si e proposito ta pa yega na mayoritariamente energia renovable den e proximo decanan. Cu un contrato traha pa e proximo 20 aña pa uso mayoritario di gas natural pa energia, ta logico cu no lo logra un cambio pa produccion mayoritario di energia renovable.

Pa loke ta exportacion di hidrogeno, un area no explora, aunke tin iniciativa caba den nos region cu por ta di escala bastante grandi. Aki e aspecto di transporte maritimo, disponible o no, lo hunga un papel, banda di exportacion di hidrogeno pa otro uso cu no ta electricidad, manera diferente proceso kimico.

Punto importante pa tuma na cuenta ta cu otro paisnan lo busca di ta autosuficiente, y no depende di inicio caba di importacion, por ehempel di Aruba. En general, tin demasiado factor desconoci pa por duna un imagen mas completo di kico por spera di factibilidad di un proyecto asina na Aruba.

Doorlichting rapport ta indica

Fluho di placa pa cubri necesidad basico di institucionnan educativo no ta suficiente

Desde februari di 2021 Inspeccion di Enseñansa di Aruba y Hulanda a cuminsa cu un estudio ariba e calidad di enseñansa na Aruba. Den e rapport aki, 'doorlichting rapport', un grupo di trabao a investiga e estructura di e sistema di educacion di Aruba y a base di e investigacion aki a trece pa dilanti 13 recomendacion pa mehora e calidad di enseñansa na Aruba.

E grupo di trabao ta remarca cu pa garantisa e calidad di educacion ta importante usa e presupuesto di e sector educativo di manera eficiente. Basa ariba discusion y documentacion, e fluho di placa pa cubri e necesidadnan educativo no ta suficiente. Tin falta, specialmente den e areanan di mantenimiento di e edificionan, material pa enseñansa, instalacionnan y

aparatonan moderno y actualisacion y formacion di personal.

Debi na e falta di cuantanan anual y informacion ariba e resultadonan, no tin informacion actualisa ariba unda berdaderamente e eficiencia- y ineficiencia ta situa, e grupo di trabao a enfatisa. Nan ta indica cu un posible consecuencia di e escasez di informacion ta cu e huntanan escolar lo cuminsa traha cu dos presupuesto: un presupuesto interno cu ta consisti den e fluho di placa di terceros y un presupuesto externo cu ta consisti di e subsidio ricibi di gobierno.

E rapport ta subraya cu no tin un bon percepcion di e fluho di fondonan di terceros den e huntanan escolar y den ki medida nan ta depende di e fondonan aki. Un dependencia fuerte di financiamiento di terceros por haci

cu e donacion di mayornan ta bira obligatorio pa obtene educacion. Por lo tanto, e rekisitonan den materia di aporte di parti di mayornan no ta legalmente estableci.

E autoridadnan competente no mester haci e participacion den educacion depende di ningun contribucion financiero di parti di e mayornan.

Un deficiencia importante cu e grupo di trabao ya caba a señala ta cu e suma standard no ta actualisa y no ta wordo ahusta cada tres aña segun e ordenansa nacional pertinente. Ademas no tabatin asignacion di e costonan operativo na e suma standard. Aworaki a tuma luga un analisis pa yega na un bon suma standard, pero ainda no a introduci un suma standard ahusta.

E rapport ta agrega cu ta im-



portante pa e defictinan ta transparente y cu por haya informacion ariba otro ingresosonnan, incluyendo contribucion di mayornan, na e scol- y conehonnan escolar. E grupo di trabao ta recomenda realisa un analisis di e eficiencia di gasto y establece un sistema den cual por mira e loke falta, e riesgonan, e mantenimiento y e estado di e instalacionnan.

Como resultado di esaki e suma rekeri por wordo determina mas lihe y cu pre-

cision y por sirbi como un base pa e presupuesto y implementacion di medidanan di control.

Finalmente, e rapport ta remarca, ta importante pa realisa un analisis monetario di e ineficiencianan den e sistema educativo na Aruba. E placa cu por spaar na momento cu reduci esaki por beneficia e financiamiento di e mehoracionnan necesario, manera cu e rapport aki ta indica.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)

Angenette Figuereo (closer editor)

Leo Maduro

Andreina Morillo

Raisa Montilla

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)

Pablo Libre

Press

Roland Schenker (Hefe)

Omar Ramirez

Martin Boekhoudt

Francis Dirks

Colaboracion

Associated Press

Ret Karibense

Upload Media Aruba

Afiliacion

Sociedad Interamerica
di Prensa (SIP)

DIRECCION

Adres: Weststraat #22

Tel: 582-7800

Email: noticia@bondia.com

aviso@bondia.com

info@bondia.com

Website: www.bondia.com

Facebook: @bondianoticia

Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Gobierno mehora den cas...

Esey lo yuda economia...

E recursonan cu gobierno – cualkier gobierno – tin na man pa mehora economia di nos pais directamente, ta hopi limita. Aruba tabatin un exito sumamente grandi pa un teritorio chikito y cu poco condicion favorable pa desaroyo economico en general. Y esey den practicamente e unico opcion cu tabatin disponible den añanan 80 di siglo pasa: turismo. Nos a crece cu gana, hasta exagerando y bayendo den un direccion cu ta peligroso pa futuro desaroyo sostenible di e mesun turismo. Ta completamente logico cu den seno gubernamental ta kibra cabez encuanto e alternativanan cu tin pa diversifica; riba su mes un tema toca na incontable ocasion den ultimo decadan, y sin exito.

Sin embargo, un gobierno no mester contempla solamente kico por haci directamente den economia pa crea e base diferente cu ta desea. Tin bastante posibilidad pa yuda mehora condicion di nos economia a traves di mehoracion di e aparato publico, cu mester por facilita bida di nos sector priva dunando servicio mas rapido y eficiente. Y mester bisa cu pa basta aña caba no a falta e ‘bon intencion’. Problema tabata semper cu ta te eynan ta yega, nada mas. Pero nos ta ripara cu aparentemente algo ta cambiando, no na tur departamento, pero varios. Tuma por ehemplo Dimas, sigur un di e departamentonan mas critica den historia gubernamental, y no sin motibo. Recientemente a duna declaracion y splicacion encuanto e manera mehora di atende e peticionnan pa permiso di estadia. Esaki por sucede online, pero tambe entregando e documentonan en persona na e departamento mes. Ta di spera cu esey lo bay mas y mas di manera digital, pa mayor rapidez. Pero aki ta topa cu otro problema: e exigencia ta cu si no a haci e pago, no ta cuminsa tramite. E bottleneck no ta cerca e peticionario, esey lo kier cumpli pa haya su permiso, pero atrobe, o ainda, e storia di Servicio di Impuesto cu ta tarda cu procesa e pago nan y notifica Dimas.

Pakico no ta cana otro ruta anto? Ta imaginable cu ta atende e asunto directamente cu e peticionario, cu ta duna prueba di e pago na Impuesto, cu un copia di su pago via banco, manda online pa Dimas. Cualquiera dia e confirmacion di Impuesto lo yega, manera tur aña ta un problema cu pago di Wegenbelasting cu ta drenta na tempo na Impuesto pero no tin suficiente personal pa atende e asunto eficazmente. Aki ta unda lentitud di un departamento ta stroba trabao di otro, y envez di busca solucion tumando e ciudadano na serio, ta bolbe ‘aproba’ otro trancamento den e proceso. Pero, por adelanta e proceso di tramita e peticion sustancialmente tumando e prueba di e cliente. Den poco caso un persona

lo manda algo falsifica, esey lo keda detecta y e consecuencia ta fuerte: e no ta haya permiso mas y ademas ta denuncia e caso di ‘valsheid in geschrifte’ na e autoridadnan concerni. E otroan ta probecha di un proceso cu por cuminsa mas rapido. Realmente nos no ta comprende pakico den gobernacion casi semper ta pensa promer riba ‘solucion’ cu ta molester pa e peticionario y no pa e empleado publico, cu di e manera aki por rek e tempo cu ta tuma pa maneha e fluho, na desbentaha di e proceso en general. Y nos no kier tende e argumento cu nos ehemplo lo ta traha na otro pais so, pasobra nos tin prueba palpable di servicio di gobierno local cu ta actua manera nos a describi.

Tambe nos a mira cu aprecio cu a desaroya henter un manual con pa atende asunto di permiso, hopi informativo, te tal grado cu a bira necesario pa duna curso den maneha proceso di permiso. Riba su mes esey ta bon y util pa e empresanan mas grandi cu tin departamento di recurso humano, pero mas dificil pa maneha pa empresa chikito y persona individual. Ademas, e texto ta na Hulandes, loke ta di comprende como texto original, pero ta recomendable pa no tarda cu e traduccion den e tres otro idiomaan di importancia.

Tambe e mandatario encarga cu asunto economico ta tratando di mehora e trayectonan di permiso pa empresa, un trabao no facil y cu no ta toca solamente su ministerio. E proceso pa yega na constitucion mas rapido di un persona legal (NV, VBA, fundacion, principalmente) ta requeri cambio den e trayecto di peticion via notario cu awor ainda ta dura varios luna. No ta bay den detaye aki; den pasado na diferente ocasion a revisa e posibilidadnan aki caba. Banda di esey, a priminti un proceso mas agil di procesa y otorga permiso na Asunto Economico. Esey ta di aprecia, pero con nos sa si esey ta e caso? Tin posibilidad pa obtene e datonan digital concerni, pa por vigila si en berdad e proceso di permiso, inclusive e consejo di Camara di Comercio, ta canando mas rapido y cuanto mas rapido. Esey ta yuda tambe na duna transparencia na comunidad y pa e ministro en cuestion, aunke nos no ta consehero, esaki tin e bentaha cu por anuncia avance y no solamente ‘loke tin pensa di bay haci’, pasobra e mensahe ey a cuminsa bira monotono.

Pa bolbe na e perspectiva di cambio di rumbo economico, nos no ta mira avance den creacion di alternativa economico, si no tin actividad nobo cu ta genera divisa. Gobierno no tin ni iniciativa, ni recurso pa haci esey. Loke por ta mehora eficiencia, y ta di spera cu e mensahe ey a yega.

Minister Geoffrey Wever:

Presentacion di proyecto di Carbon Trading pa Aruba

Den cuadro di e meta pa diversifica economia di Aruba y crea un desaroyo mas sostenibel, minister Geoffrey Wever a ricibi un presentacion di parti di Metabolic Foundation. Den e presentacion Metabolic Foundation a comparti e plan pa sondea oportunidadnan pa Aruba den e mercado di carbon trading.

E proyecto ta lidera pa sra. Christie Mettes, experto den diferente tema relaciona cu sostenibilidad. E proyecto lo haci uzo di "remote sensing" pa estima cuanto oportunidad di captura carbon dioxide (CO2) tin na Aruba den diferente areanan. Tambe



lo analisa e diferente metodonan cu tin potencial pa spaar of reduci CO2 por medio di diferente tecnologia cu tin actualmente pa energia renobabel.

E resultado di e analisis lo estima cuanto carbon lo por spaar den un periodo a termino largo y cuantificando

esaki lo duna un indicacion di e balor cu e CO2 lo por tin riba mercado boluntario internacional.

Na 2021 e mercado internacional tabata tin un balor di 1 bion USD y ta premira di lo por yega un balor di 15 bion na 2030. E mercado aki ta hayando mas y mas atencion

door di sistemanan obligatorio y boluntario cu companianan ta forma parti di dje. E sistemanan aki tin como meta pa cumpli cu e Acuerdo di Paris di baha nivelnan di CO2 mundialmente.

Manera a wordo comparti anteriormente, compra y benta di carbon credits ta pasa entre negoshinan cu ta buscando pa cumpra CO2 paso nan ta den un estructura legal cu ta obliga nan di baha nan emision di CO2 gradualmente. E benta y compra di CO2 por tin hopi beneficio financiero pa Aruba, unda e ganashi por wordo uza pa inverti den proyectonan sostenibel. Proyectonan manera di solar panels y asina baha



costo di bida.

E proyecto aki ta un esfuerzo pa explora modelonan economico nobo cu lo por diversifica entradanan pa pais Aruba.

E estudio lo wordo finalisa den un termino di dos luna, unda lo comparti e resultadonan y consehonan cu pueblo di Aruba. Abase di e resultadonan lo determina e siguiente pasonan di accion.

Prome Minister Evelyn Wever-Croes:

Prome minister a firma MoU importante entre APA, Jaxport y gobierno di Aruba

Awe dialuna 27 di maart, ta un dia grandi y importante pa Aruba. Na Jacksonville, Florida Prome Minister Evelyn Wever-Croes y Minister Dangui Oduber, despues di a reuni cu ehecutivonan di Jaxport, a firma un MoU importante entre Aruba

Ports Authority (APA), Jaxport y Gobierno di Aruba cu lo contribui grandemente na e desaroyo economico di Aruba.

Prome Minister den e conferencia di prensa na Jacksonville pa anuncia e acuerdo aki, a remarca cu dialogonan

inicial cu e partner strategico a cuminsa na 2020 sin embargo pa motibo di e pandemia no por a continua. A reanuda conversacionnan mas di un aña pasa na unda cu tawata tin un draft di e MoU cu a wordo descuti. Apesar cu Prome Minister mes no tawata parti di e combersa-



cionnan, el a duna su sosten completamente.

Na januari 2023 un delegacion di Jaxport a bishita Aruba y Prome Minister tawata tin e oportunidad pa reuni cu nan. Prome Minister a expresa cu e ambiente di e reunion tawata hopi ameno y interesante cu a conduci na e conviccion cu esaki tawata e cuminsamento di algo hopi importante pa Aruba. "Y awe dialuna 27 di maart, nos ta aki na Jacksonville cu nos delegacion di Aruba pa un momento hopi importante pa firma e MoU", Prome Minister a remarca.

Prome Minister a expresa cu pa un isla chikito situa den Caribe Hulandes cu tin lasonan comercial fuerte cu Merca, Gobierno ta considera e acuerdo aki un paso importante pa un asociacion strategico nobo entre Aruba y Jaxport.

E beneficiaran di e MoU ta multiple. Jaxport lo bira un partner strategico importante pa Aruba. Jaxport ta e puerto mas grandi di container di

Florida. Lo explora oportunidadnan pa rutanen nobo di carga entre Jaxport y Aruba. Lo explora oportunidadnan pa fortifica e terminal di carga na Aruba. Lo explora oportunidadnan nobo pa rutanen di crusero. Tambe lo explora e posibilidadnan pa bunker y ofrece servicio di LNG na liñanan crusero y lo explora oportunidadnan pa rutanen nobo entre Jaxport-Aruba.

Den nomber di Gobierno di Aruba, Prome Minister a gradici e hunta di directornan di Jaxport, directiva di Jaxport y e delegacion di Aruba y Minister di Turismo, pa e milestone excepcional aki. "Mi ta gradici Mi colega Dangui Oduber pa su vision y determinacion. Aruba a haya un sla grandi di e pandemia pasobra nos ta depende di turismo. Aruba awo ta den recuperacion despues di e pandemia. Y no solamente nos kier 'bounce bek' pero nos kier bounce forward pa asina nos bira mas fuerte y mas resiliente. E MoU ta un stap grandi pa e crecemento economico di nos pais", Prome Minister a expresa.



De Cuba | Ormel | Noordhuizen
Attorneys at Law

Elleboogstraat 11-13
Oranjestad, ARUBA

T +(297) 583 8144
F +(297) 583 8145

BEKENDMAKING

Bij vonnis van 27 maart 2023 van het Gerecht in Eerste Aanleg van Aruba is de rechtspersoon naar het recht van St. Kitts & Nevis SHANLIN VENTURES INC., voorheen statutair gevestigd te Charlestown, Nevis, feitelijk gevestigd te Aruba, in staat van faillissement verklaard, met aanstelling van mr. J.M. de Cuba tot curator en benoeming van mr. C.T.M. Luijks tot rechter-commissaris.

Schuldeisers van de gefailleerde rechtspersoon worden verzocht om hun vorderingen, gestaafd door bescheiden, onder vermelding van eventuele voorrechten ter verificatie in te dienen bij de curator.

De curator,
Mr. J.M. de Cuba
De Cuba Ormel Noordhuizen
Attorneys at Law
Elleboogstraat 11-13
Oranjestad, Aruba
T. 583 8144
F. 583 8145
jeannot@dconlaw.com

Estudio ta sugeri cu cacho y pushi por yuda proteha baby contra alerga pa cuminda

(CNN)—Mucha cu ta biba cu cacho of pushi durante nan desaroyo fetal y infancia por tin menos chens pa desaroya alerga pa cuminda, segun un estudio nobo.

E estudio aki, cual a wordo publica diaranson den e revista PLOS One, a analisa data for di mas cu 65.000 mucha na Hapon. A descubri cu muchanan cu a crece cu pushi of cacho tin 13% pa 16% menos chens pa tur alerga pa cuminda, compara cu babynan den hogarnan sin mascota.

“Nos descubrimiento ta sugeri cu exposicion na cacho y pushi por ta beneficioso contra e desaroyo di cierto alerga pa cuminda, pues esaki ta alivia preocupacion tocante mascota den cas y ta reduci e strobacion di alerga pa cuminda,” e autornan a skirbi.

E estudio a descubri cu muchanan cu tin exposicion na pushi tin menos chens pa desaroya un alerga pa webo, trigo y bonchi di soya, mientras cu esnan cu tin exposicion na cacho tin menos chens pa desaroya un alerga pa webo, lechi y pindanan.

Aunke no tin un asociacion entre turtuga y parha y alerga pa cuminda, exposicion na hamster durante desaroyo fetal tin conexion cu casi dos biaha e probabilidad pa alerga pa pinda. E autornan a specula cu pinda cu hamster ta come por haci e baby mas vulnerabel por medio di contacto fisico of stof di cas.

E mecanismonan exacto ainda no ta claro, pero expertonan ta bisa cu exposicion na mascota por fortalece e microbiome den tripa di e baby, sea directamente of indirectamente.

“Nos sa for di hopi estudio cu e microbiome—cual ta e bacteria cu ta biba den nos, miles y miyones den nos tripa—ta afecta nos inmunidad y nos sistema inmuun, particularmente si nos desaroyo alerga of no,” segun Dr. Amal Assa’ad, director di e Programa pa Alergia pa Cuminda na Cincinnati Children’s Hospital, ken no ta envolvi den e investigacion nobo.

Dr. Jonathan Bernstein, presidente di e Academia Americano di Alergia, Asma y Inmunologia, ta bisa cu sushi y otro materialnan cu mascota ta hunga cune por ta algo bon.

“Ta importante pa tin e exposicionnan aki trempa, mirando cu e sistema di inmuun ta desaroyando—igual manera e tripa ta desaroyando, pasobra ta parce cu esaki ta un ruta importante pa vulnerabilidad,” segun Bernstein, ken tampoco ta envolvi den e estudio.

Investigacionnan den pasado tin resultadonan mixto. Algun a conecta exposicion pa mascota cu un reduccion di riesgo pa alerga pa cuminda, pero otronan no a descu-



bri ningun asociacion entre ambos factor. “E data ta tur bruha,” Assa’ad a bisa.

Aunke e investigadonan di e estudio nobo a conta varios factor cu por influencia e riesgo di e participante pa alerga—incluyendo e edad di e mama, historia di alerga den famia, si tin humamento den famia y luga di residencia, nan a bisa cu ta posibel cu otro factornan a influencia e resultadonan.

Ademas, e data di alerga pa cuminda a wordo reporta pa e participantenan mes, cual a depende riba un diagnosis corecto, segun e investigadonan. “Pero tin un necesidad pa confirma e tipo di estudionan aki,” Bernstein a

declara. “Pues ami no lo necesariamente cambia mi estilo di bida a base di e data, pero sigur lo mi no por deshaci di mi mascotanan.”

Expertonan ta spera cu e resultadonan aki por yuda investigacion dia guia den e factornan cu ta causa alerga pa cuminda infantil y pa asina sigura doñonan di mascota.

“Si bo ta pensando di tin un animal y bo ta preocupa pasobra bo tin alerga...lo por tin un beneficio adicional di tin mascota, no solamente pa loke e ta haci pa e amor en general pa mascota di famianan y hendenan, pero tambe, esaki por proteha si tin un exposicion trempa den bida,” Bernstein a declara.

Hulanda:

Welga di hospital cancela despues cu a yega na acuerdo cu e sindicatonan



(NLTimes)—E asociacion di hospital Hulan-des NVZ y e sindicatonan di comercio a yega na un acuerdo laboral pa 200.000 empleadonan di hospital. P’esey, e welga cual tabata plania pa otro luna a wordo cancela, segun sindicato FNV a reporta.

Trahadonan di hospital ta bay ricibi un aumenta di 5% den nan salario—incluyendo pa luna di februari—y un otro 5% dia 1 di december. Riba 1 di juni otro año, empleadonan cu salario mas abou ta bay ricibi un otro aumenta di 5%. Empleadonan cu salario halto ta bay ricibi un aumen-

ta di 2% y 180 euro.

E sindicatonan y hospitalnan tambe a yega na un acuerdo pa reduci e trabou di empleadonan. E sindicatonan ainda mester presenta e acuerdo aki na nan miembronan pa aprobacion.

Na comienso di e luna aki, empleadonan di hospital a bay den welga despues cu un negociacion colectivo a keda para. Diahuebs, dia 16 di maart, empleadonan di 64 hospital a welga riba “servicio di diadomingo.” Nan a provee solamente cuido di emergencia; tur otro cuido a wordo posponi of cancela.



General Meeting of Shareholders

The annual General Meeting of Shareholders of the AIB BANK N.V. will be held on **Friday, April 14, 2023 at 10:30 a.m.** at the premises of the Bank.

The Agenda and further information regarding this meeting are available at the offices of the Bank at Wilhelminastraat 36, Oranjestad, Aruba, telephone: 582-7327 or e-mail: info@aib-bank.com.

Frendsels W. Giel
Managing Director

Skill on your side

4 mucha hospitalisa despues di a consumi cocaina haya pafo di scol

(NLTimes) - 4 estudiante di scol primario Passepartout na Tegelen a keda hospitalisa siman pasa pa observacion despues cu nan a purba cocaina.

Nan a haya e droga en cuestion den matanan banda di e scol. "E tabata un sako chikito cu resto di un puero blanco," vocero di cuerpo policial a conta 1Limburg. "E investigacion a demostra cu e puero aki tabata cocaina."

E 4 muchanan ta den klas di muchanan chikito. Nan tabata hungando pafo ora cu nan a haya e drogan y a consumi esaki. "Claramente e ta algo di e edad cu nan kier descubri y ingeri loke nan a haya," Rob Thuijls di e fundacion di educacion Kerobei, cual ta cubri e scol primario, a expresa na e noticiario. "Un docente a mira esaki pasa y a notifica autoridadnan inmediatamente."

E muchanan en cuestion a

keda transporta na hospital pa observacion y reviso. Nan por a bay cas mas despues durante e dia den bon salud. E scol a informa tur e mayor nan tocante loke a tuma luga. "Nunca bo por evita esaki completamente. Nos ta inspecciona nos tereno pero no e area pafo di esaki," Thuijls a conta De Limburger. "Mi ta specialmente gradici cu e empleadonan a interveni asina lihe y cu nada mas a pasa cu e muchanan."



MFK ta lamenta declaracion tocante trafico di droga di miembro di partido

(CuraçaoChronicle) - Prome Minister Gilmar Pisas ta lamenta e declaracionnan cu miembro di partido Juniël Carolina a haci tocante e benta di droga confisca pa asina provee fondo na e estado. Pisas a bisa esaki como e

lider politico di e partido MFK.

Carolina a comete un eror diahuebs siman pasa durante un reunion parlamentario ora cu el a sugeri e benta di cocaina confisca di e criminalnan y a agrega cu e 175



miyon florin cu esaki lo trece den ganashi lo por ser usa pa e gobierno di Corsou.

Un miembro di parlamento ta obliga di actua y vota cu su consenshi y sin consulta,

Pisas a splica. Sinembargo su ideanan no ta den linea cu e pensamiento di e partido MFK.

Segun Pisas, e partido ta comprometi pa aplica e ley na Corsou y su partido no lo tolera di ningun manera e violacion di e ley na aki pa cu alquier politico of residente di Corsou. Pisas te hasta a pidi disculpa di parti di e partido na e residentenan di e pais pa Carolina su declaracionnan.

Carolina te ainda no a pidi disculpa pa su declaracionnan.

ARUBA
Beach Club Resort

since 1977

The FIRST Timeshare Resort in Aruba has an open position for immediate employment:

SECURITY GUARD (M)

Requirements:

- Min. MAVO / EPB or equivalent
- Must be able to work different shifts/holidays
- Must be able to speak and write English, Spanish & Papiamentu
- Of Dutch Nationality or a valid work permit
- Certified in First Aid/CPR or willing to take the corresponding training the soonest possible
- Willing to grant excellent service by being courteous, attentive, responsible and a good team-player
- In good physical condition
- Age between 25 to 45 years
- Must be able to present a letter of good conduct
- Must be willing to do a written test upon applying
- Upon applying, bring a valid ID, your Personal #, copies of diplomas/certificates and work permit (if applicable)

Please apply in person at our Human Resources Office at J.E.Irausquin Blvd. 53 between 9:00am – 3:00pm, Monday to Friday.

For more information, please call telephone 524-3016.

Minister di Finanzas ta demasiado laat cu rapport di implementacion

(CuraçaoChronicle) - Minister di Finanzas Javier Sylvania ta laat cu e reportahe di implementacion tocante e situacion financiero di Corsou. Esaki ta concerni e reportahe di e di cuatro kwartaal di aña 2022.

E hunta di supervision financiero di Corsou Cft mester a ricibi e reportahe aki na fin di february sinembargo e minister no a logra haci esaki. Esaki ta bay den contra d i ley di e estado. President di Cft Lidewij Ongerling a bisa cu e minister tampoco a provee informacion adicional tocante 2 otro reportahe di implementacion, cual tabata e deseo di Cft.

E presupuesto di Corsou ta ilustra un surplus di 142 miyon florin, cual ta hopi mas cu loke e gobierno a pone den presupuesto anteriormente. Ongerling: "Esaki tambe ta concerni e prestamo di CMC Hospital, cual te ainda no a ser paga desde juni



di aña 2020."

Cft tambe ta positivo pa motibo cu nan ta mira e beneficio di impuesto y a mira cu esaki a aumenta den aña 2022. E ganashi pa e gobierno di impuesto pa e motibo aki a aumenta, poniendo Corsou den

un miho posicion financiero. Impuesto di benta y importacion en particular a hunga un rol grandi den esaki. Cft a indica si cu e ta importante pa mantene un bista di e ganashinan di impuesto y ahusta unda ta necesario pa aña 2023.

Municipalidadnan kier pa Gabinete aumenta salario minimo y beneficio di asistencia social

(NLTimes)—Municipalidadnan kier pa gobierno aumenta e salario minimo y beneficianan di asistencia social. Nan ta preocupa cu si e posicion di hogarnan cu salario abou no mehora lo pronto posibel, un clase nobo lo surgi na Hulanda den e añanan binidero, segun e asociacion di municipalidad Hulandes VNG den un relato publica diaranson.



Den e ultimo añanan, e cantidad di persona cu ta acerca e municipalidad cu problemanan financiero a solamente aumenta. Pa via di e pandemia, e crisis di energia y inflacion halto, e cantidad di hogar cu ta ricibi aporte di salario a dobel pa casi 1 miyon, segun AD.

Segun e municipalidadnan,

despues di e scandal di beneficio y Groningen, e gobierno nacional mester converti den un partner cu nan por confia riba dje. E sistema di beneficio cu tin awo no ta trahando. Ciudadanonan ta preocupa cu nan lo wordo acusa di fraude pasobra cu nan a haci fout den e sistema complica aki. Casi 600.000 hogar mester paga al menos

500 euro back na e Autoridad di Impuesto tur aña. “E sistema di beneficio a causa duda tocante salario entre ciudadanonan,” segun VNG. “Nos ta acerca hende cu un wowo pa fraude, mientras hopi biha esaki ta encera foutnan.”

VNG ta sugeri pa kita suplemento pa rent, cuido di mucha y otro necesidadnan

cu hende cu minimumloon no por paga y cu organisacionnan di recepcion, incorporacion di acomodacion y municipalidadnan ta provee directamente. “E ora nan no ta un riesgo mas pa nos residentesnan.” Ideal ta cu personanan no mester aplica pa aporte mes, sino cu nan mester haya esaki automaticamente di nan gobierno.

“Como municipalidadnan, pa hopi aña nos a yama pa Cabinet traha structuralmente riba seguridad social,” segun director di VNG, Peter Heijkoop, a conta AD. “Pero esey no ta pasando. Problemanan no a bira mas chikito, sino mas grandi, den e ultimo 10 aña.”

Gobierno nacional ta enfoca mucho riba politica y menos riba e hendenan cu ta goberna, segun e munici-

palidadnan a bisa. “crisisnan manera corona of energia ta wordo aborda cu pleister y remedinan den corto plaso. Partidonan y ministernan ta prefera gana cu nan mesun plannan, en bes di yuda cu solucionnan structural.”

Mientras tanto, municipalidadnan ta tumando mas responsabilidad, y nan organisacion apenas por wanta mas. “Nos mester cambia cuenta awo,” Heijkoop a bisa. “Sin un seguridad basico pa salario, trabou y un gobierno cu ta para cu bo, tur cambio ta bira un menasa. Si nos fracasa pa logra esaki den e proximo 10 aña, un grupo di personanan cu duda lo crece. E dicotomia por causa un problema cu por dividi pueblo.” P’esey e VNG a yama pa gobierno tuma accion.

Union di Studierende Amsterdam: “Internacionalisacion” na Universidad di Amsterdam mester stop

(NLTimes)—Union di Studierende Amsterdam (ASVA) a bisa cu e kier tin discusionnan cu e liderazgo di Universidad di Amsterdam (UvA) tocante e entrada di studiantenan internacional, y en particular, tocante loke nan ta yama e “anglicisacion” di e programanan Bachiyerato Geografia Humano y Planificacion, cual ta duna na Hulandes.

E presidente di ASVA, Aziza Filal, a confirma esaki despues cu un reportahe a wordo publica den Science Guide. E union a bisa cu nan no ta haya cu e continuacion di internacionalisacion ta e miho idea awo, pasobra el a declara cu e programanan di estudio lo sufri y studiantenan apenas por haya bon acomodacion. Pero e director di e facultad di Ciencia Social ta denuncia e reclamacion di Filal, bisando cu e organisacion ta parti informacion incorrecto.

E union, hunto cu Beter Onderwijs Nederland (BON)—un organisacion cu ta promove e mehoracion di educacion, a inicia un reclamo legal caba, pero proceduranan no a cuminsa ainda. Ainda nan kier bay den discusion cu e universidad tocante e situacion. Filal a bisa cu esaki mester tuma laga lo pronto



posibel, sino e proceduranan di e caso lo cuminsa.

E dos organisacionnan a bisa cu nan no ta en contra di studiantenan stranhero, pero nan ta kere si cu e continuacion di internacionalisacion mester wordo posponi te ora e universidad por mancha e situacion actual. Filal tambe a reclama cu algun profesor no sa Ingles suficiente pa por aplica e lenguahe den un manera cu no ta rekeri training. Ademá, tin biaha e cambarnan di lectura sa yena

demasiado, y studiantenan sa haya nan mes ta sinta riba trapi of ta sigui e les virtualmente.

Agneta Fischer ta e rector di e facultad di Ciencia Social y di Comportacion, cual ta inclui e Bachiyerato di Geografia Social y Planificacion. Fischer a bisa cu e ta completamente sorprendi di e kehonan di ASVA y BON. E ta reconoce si cu tin problema pa locual ta e capacidad di cambarnan di lectura, pero el a declara cu nan ta haciendo lo posibel pa

stop e cantidad di estudiante crece den nan facultad. A pone restriccionsnan caba riba e cantidad di estudiante pa Ciencia Politico y Psicologia pa e proximo aña escolar, y posiblemente esaki lo conta pa e programa di Ciencia di Comunicacion tambe. Ademá, e programa di Geografia Humano y Planificacion ta disponibel solamente den Ingles, pero den Hulandes tambe. E programa den Ingles ta necesario pa studiantenan no-Hulandes por obtene nan diploma.

Tambe ta “ridiculo” cu e programa ta birando pio, segun Fischer. Studiantenan di programanan asina por beneficia hopi for di studiantenan stranhero. Tambe e no a nota cu profesornan no por duna les na Ingles na un nivel suficiente. Algun hasta por papia Ingles fluido, y esnan cu falta e habilidad di papiamento ta tuma cursonan prome.

Fischer a bisa cu “claro” e ta dispuesto pa papia cu ASVA y BON, a pesar cu nan no ta di acuerdo cu otro.

Brazil a gana 72,2 kilometer cuadra di teritorio despues di revision di frontera

(Infobae) – Teritorio di Brazil tin 72,2 kilometer cuadra mas, segun un estudio cu a delinea cu mas exactitud e area di algun espacio di frontera di e pais a conclui, fuentenan oficial a informa ayera diaranson.

Di acuerdo cu Instituto Brasileño di Geografia y Estadística (IBGE), extension di teritorio Brasileño a aumentá di 8.510.345,5 kilometer cuadra calcula na 2021 hasta 8.510.417,7 kilometer cuadra



na 2022, loke ta confirma Brazil como e di cinco pais mas grandi na mundo despues di Rusia, Canada, Merca y

China. E instituto a aclaria cu e revision a obedece na “edicion di e partinan di frontera internacional di Brazil na estadonan di Amazonas, Rondonia, Mato Grosso y Mato Grosso do Sul” limite cu Venezuela, Colombia, Peru, Bolivia y Paraguay.

E coordinador di Structura Teritorial di Direccion di Geociencia di IBGE, Rovertio Tavares, a aclaria cu e calculo nobo a utiliza datonan di e teritorio di areanan fronteriso

cu Brazil tabatin den e cuenta hidrografico di e region.

E calculonan “ta conforme e datonan ofreci pa Comision di Definicion di Limite di Ministerio di Relacionnan Exterior” segun Tavares a bisa.

E organismonan aki ta e responsabel di delimita e fronteranan di Brazil y ta traha “den conjunto cu organonan competente di e paisnan bisiña,” Tavares a aclaria den un comunicado.

Colombia: Nuebe militar ta fayece despues di atake di ELN

(NTN24) – Por lo menos nueve militar a muri y ocho a resulta herido ayera diaranson despues di un atake cu explosivo cu ta parce guerrilla di ELN a comete contra un grupo di soldad na coregimiento di Guamalito, zonal rural di El Carmen na Catatumbo, Colombia.

Di acuerdo cu informacion preliminar, e militarnan asesina tabata forma parti di e batayon Special Energetico y Vial number 10, e cual ta brinda seguridad den e vereda di Villa Nueva de coregimen-

to Guamalito.

E militarnan fayecido ta dos sub-oficial y shete soldad. A evacua e heridonan pa e ciudad di Cucuta pa asina nan ricibi atencion medico specialisa debi cu nan tabata registra heridan grave.

Debi na e hecho di violencia aki, presidente di Colombia, Gustavo Petro a manda un mensahe di rechazo pa e atake na unda a fayece e nueve militar.

“Repudio total na atake na e batayon di Ehército di Catatumbo, 7 soldad cu tabata



presta servicio militar y dos sub-oficial, soldadnan di e Nacion y di e gobierno di e cambio, asesina pa esnan cu awe ta liber y ta absolu-

tamente aleha di paz y di e pueblo,” e mandatario a indica riba Twitter.

Despues di esaki, ayera mes

Petro a convoca e delegacion cu ta representa Gobierno den e mesa di dialogo cu ta mantene cu e guerrilla di ELN, “mi a convoca e delegacion cu ta representa gobierno den mesa di dialogo cu ta mantene cu ELN na un consulta, paisnan garante y esnan cu ta acompaña e proceso di paz aki, cu mester ta serio y responsabel cu e sociedad Colombiano.”

Dia 10 di maart, Gobierno di Colombia y guerrilla di ELN a finalisa e segun ciclo di conversacionnan den Mesa di Dialogo di Paz, realisa na Ciudad di Mexico.


Merca ta bay duna permiso humanitario na migrantenan herida den candela na Mexico

(EFE) – Merca ta bay duna permiso humanitario na e migrantenan cu a resulta herido durante un candela na un centro di detencion di Mexico cu a caba cu e bida 38 persona.

Autoridadnan Mericano ta “prepara pa usa un permiso humanitario pa permiti cu individuonan gravemente herido por ricibi cuido intensivo” na e centronan di salud di e pais, segun Oficina di Aduana y Protección Fronteriza (CBP) a bisa den un comunicado.

Migrantenan cu ta ricibi un permiso humanitario por drenta Merca di manera temporal, segun e website di CBP ta indica.

Dialuna ultimo den oranan di anochi, 38 migrante di America di Sur y Central a muri den un candela na un stacion di Instituto Nacio-



nal di Migracion (INM) na Ciudad Juarez, frontera cu Merca.

Merca a lamenta e morto di e migrantenan diamars ultimo y a señala cu ta un tragedia cu un “desgarrador recordatorio” di e riesgonan cu e per-

sonanan den nan caminda pa Merca ta enfrenta.

Videonan di camaranan di seguridad cu a leak a muestra con e agentenan tabata actua indiferente mientras e migrantenan tabata pidi pa habri porta y ciudadanonan di varios nacionalidad a denuncia

cu e tragedia aki “por a wordo evita.”

E frontera entre Merca y Mexico ta den tension debi na e uso di Titulo 42 di parti di gobierno di Joe Biden, esaki ta un normativa sanitario cu ta permiti expulsion

di migrantenan di diferente nacionalidad.

Segun organisacionnan civil Mexicano, 2022 ta e aña mas tragico pa migrantenan na Mexico, cerca di 900 di nan a muri ora nan tabata purba di crusa e frontera pa Merca sin documentonan legal.

Puerto Rico: Departamento di Educacion ta enfrente demanda di desalohamento

(ElNuevoDia) – **Departamento di Educacion ta enfrente un demanda di desalohamento pa, presuntamente, ocupa di manera ilegal dos propiedad na Hato Rey cu ta hospeda e oficianan di nivel central di e agencia, como tambe di e Oficina Regional Educativo di San Juan y parking lot.**

Ingeniero Luis A. Rivera Siaca a presenta e demanda contra e agencia ora cu el a denuncia cu Educacion tin un debe di 4.7 milyon di dollar

di huur venci, ya cu a stop di paga huur pa e propiedadnan na juni di 2021.

Segun e demanda, e agencia a firma dia 15 di januari di 2021 un contract di huur pa ocupa cinco di e 14 piso di e edificio propiedad di Rivera Siaca cu anteriormente tabata e sede principal di e agencia, mas di 150 espacio di parkeer adicional pa un lot riba caya Francisco Costas. E contract ta vence dia 31 di december di 2025. Pa e huur aki, Educacion tin un debe di 4.1 milyon di dollar, te cu 29 di feb-



ruari 2023, segun e demanda. Di mesun manera, e partidonan a firma otro acuerdo

di huur pa ocupa espacio na otro edificio di 28.431 vierkante meter, cu ta inclui 135

espacio pa parkeer, cuminsando dia 21 di mei di 2021 y cu ta vence na juni di 2026. E demanda ta detaya cu e agencia debe 514.000 dollar na Rivera Siaca te cu 28 di februari di e aña aki pa e contract aki.

“E sumanan cu wordo debi di e parti demanda na e parti demandante ta venci, ta likida y exigible, y a pesar di e rekisitonan di pago di e parti demandante na e parti demanda, esaki a nenga di satisfice e pagonan aki,” e demanda ta indica.

Venezuela: Dokter ta pidi vacunacion contra poliomielitis

(ElNacional) – **Academia Nacional de Medicina (ANM) y e Sociedad Venezolana de Puericultura y Pediatría (SVPP) a pidi e autoridadnan vacunacion pa e poblacion contra poliomielitis despues di e aparicion di un caso na Peru despues di 32 aña.**

Den un comunicado, e SVPP a haci un yamada na e poblacion pa acudi na e centronan di vacunacion cu e muchanan menor di 6 aña pa e revision di nan carchi cu e meta di inicia, continua of completa e schedule di vacunacion contra e polio y otro enferme-



dadnan.

“E muchanan mester tin cinco dosis di e vacuna anti polio pa por ta protegi,” e organisa-

cion a adverti.

Di mesun manera el a pidi e autoridadnan di e Ministerio di Salud pa: realiza campa-

ñanan di expansion ariba e responsabilidad di mayor- y representantenan pa actualisa e vacunacion di e muchanan; implementa e logistica correspondiente na e estado di alerta referente enfermedadnan prevenibel pa vacunanan manera esun di polio; logra alcanza e cifranan di cobertura vacunal ariba di 95% na cada distrito y municipio di e pais; fortalece e vigilancia epidemiologico di e paralis flacida aguda; actualisa e plannan nacional di preparacion y respuesta tocante e brotenan di polio virus pa detecta y responde di manera lihe y oportuno un importa-

cion di polio virus.

E Academia Nacional de Medicina a haci un yamada na e gobierno pa aumenta e vigilancia epidemiologica di e paralis flacida aguda y aumenta di manera urgente e cobertura contra e enfermedad.

“Na Venezuela, e cobertura vacunal contra e poliomielitis ta bay pa IPV1 di 59% te cu polio 3: 50%, locual ta pone nos den un luga di riesgo hopi halto pa e reintroduccion di e poliovirus, hunto cu Peru, Republica Dominicana y Haiti,” e institucion a subraya.

Venezuela: Guaido ta pidi Petro apoya e dialogo cu ya ta existi na Mexico

(ElNacional) – **Juan Guaido a pidi diamars ultimo na e presidente di Colombia, Gustavo Petro, apoya e dialogo entre e antichavismo y e gobierno di Nicolas Maduro cu ya caba ta existi na Mexico, den respuesta na un anuncio di e mandatario Colombiano di continua e proceso aki den su pais den un proximo conferencia internacional, cual su fecha e no a detaya.**

“Gustavo Petro, ya ta existi un proceso, un negociacion facilita pa e Noruegonan, cu apoyo internacional,” Guaido a bisa ariba su cuenta oficial di Twitter, unda el a contesta un mensahe di e hefe di Estado Colombiano den cual el a informa cu e ta bay convoca un conferencia pa construi e ruta cu lo permiti e dialogo politico efectivo di e sociedad



y e gobierno Venezolano, sin menciona e oposicion.

Guaido di su banda, a sigura cu e ruta ta cla y ta enfoca den celebra eleccionnan presidencial liber na 2024, pero

el a expresa locual si falta ta boluntad politico di parti di e presidente Maduro di bay mas leu cu e medidanan retorico concreto cu lo permiti avance.

E antichavista a bisa cu ta bon

pa Petro papia cu e representante mediator di Noruega, Dag Nylander, tocante con nan por avansa e negociacionnan, cu a cuminsa na november di aña pasa despues di tabata suspendi durante un

aña y cu ta pega desde e tempo ey, y respalda e apoyo di e presidente Mexicano, Andres Manuel Lopez Obrador, y di e mandatario Mericano, Joe Biden, ademas di e Union Europeo (UE).

Di otro banda el a señala cu e cercania di Petro cu Maduro si por ta hopi util pa permiti cu e eleccion primario opositor, cu lo tuma luga dia 22 di october di e aña aki pa elegi un candidato cu lo enfrenta e chavismo otro aña, tuma luga sin obstaculo ni tardamento.

E conferencia proponi pa Petro lo wordo realiza na Bogota, posiblemente pa e dianan despues di semana santa cu invitadonan di Europa, Latino America y Merca, segun e presidencia Colombiano a detaya y e presencia di Maduro ainda no ta confirma, aunke no ta descarta ainda.

A celebra Dia Mundial di Teatro na Cas di Cultura

A reconoce Burny Every den feliz memoria y Norman de Palm durante e anochi aki

Dialuna cu a pasa tabata Dia Mundial di Teatro. Un dia cu ta para keto na kico teatro ta significa pa nos cultura y pais, y un dia di celebracion pa tur esnan cu ta forma parti di e gremio teatral.

Riba e dia special aki a celebra e poder unico cu teatro tin pa inspira, entretene y uni varios hende di diferente cultura. Rond mundo tur artistanan den gremio di teatro ta bini hunto riba e dia special aki cu e meta pa crea consciencia di e importancia cu teatro tin den bida di cada ciudadano y nan comunidad.

E tema di e aña aki proclama pa UNESCO ta 'Teatro y un Cultura di Paz'. Esaki ta muestra e importancia di, atraves di teatro, por promove paz

y harmonia den un comunidad di diferente cultura rond mundo. E actriz di Egipto sra. Samiha Ayoub a trece un bunita mensahe pa e dia Mundial di Teatro. E esencia di sra. Ayoub su mensahe ta, cu mirando cu mundialmente nos ta bibando den conflicto, guerra y calamidad, nos ta experienciando instabilidad. E instabilidad aki tin consecuencia riba nos estado material, spiritual y psicologico, pero teatro ta un forma creativo y poderoso cu ta laga tur duda y preocupacion desaparce.

Nos ta un pais chikito, pero rico na talento, arte y herencia cultural.' Minister Maduro a expresa. Durante e anochi aki, y manera a bira customber, a duna reconocemento na dos persona cu a dedica



nan bida na e forma di arte aki y a contribui na e desaroyo di teatro na Aruba. E brinda un homenahe postumo na sra. Bernadina (Burny) Elizabeth Every, y tambe a otorga e Premio Nacional di Teatro

na e conocido sr. Norman de Palm. Dos persona cu hopi amor, pasion, y cu trabou duro a sa di haci un excelente trabou cu a pone nan sobresali den e arte di teatro.

Bernadina (Burny) Every
Sra. Burny Every den feliz memoria a nace na Aruba y ta yiu mayor di sr. Clarence Every y sra. Carmen Paulina Harms. E ta e prome Arubiano profesional riba e tereno di teatro, e prome actriz y e prome persona cu a traha un cine Arubiano, un baluarte riba tereno di teatro cu reconocimiento internacional.

Sra. Burny tabatin varios talento, e tabata actriz y tambe poeta. Den bida diario su funcion tabata maestra di scol y docente di expresion dramatico. Tambe ela traduci varios obra teatral internacional y a guia, dirigi y produci varios obra teatral local. Sra.

Burny ta conoci pa su obranan riba nivel halto y inovativo cu menshenan critico, ela revolucionaria e mundo teatral na Aruba. Na aña 2006 nos Ser Supremo a tum'e den su reino celestial.

Norman de Palm

Sr. Norman de Palm, e conocido cinematografo, artista, escritor, actor y productor di cine manera Desiree, Almacita di desolato, y Ava y Gabriel- un historia di amor. Sr. De Palm a nace na Aruba y cu su 9 aña ela muda hunto cu su famia y a bay biba na Corsou. Sr. De Palm a traha varios produccion cu sr. Felix de Rooy y nan produccionan a gana varios premio internacional.

Sr. De Palm ta promove e intercambionan di artistanan entre e islanan pa asina engrandece e lasonan cultural y social. Ela produci varios obra teatral conhuntamente cu Departamento di Cultura di Aruba. Tambe sr De Palm ta activo den e intercambio cu e hobennan di Aruba y Corsou cu e programa di Arte di Palabra y Gang di Arte.

Su deseo ta pa estrecha mas e frontera y brinda mas oportunidad na e artistanan cu beneficio pa ambos banda. Nos ta gradici Sr. Norman de Palm pa e tremendo iniciativa di intercambio riba e tereno teatral y cultural. Masha danki pa brinda mas hende e oportunidad pa tambe por biba Aruba su cultura.



Company Purpose

Aruba Excellence Foundation (A.E.F.) was established by the Aruba Tourism Authority (A.T.A.) with the objective to develop and implement value-added, educational programs that will enhance the quality of service and guest experience within the hospitality industry in Aruba. The A.E.F. is driven by Love, Unity, Pride, Freedom, Creativity, Charisma, Authenticity and Celebration – the Zjeito Values at the core of the Aruban DNA and Hospitality. A.E.F. is the Authority on Aruban Hospitality

Job Purpose

The Sales & Marketing Officer (S&M Officer) is responsible for driving sales by designing and implementing targeted sales and marketing strategies. The S&M Officer is also responsible for building and maintaining customer relationships, tracking sales data, and creating performance reports. The S&M Officer represents A.E.F. and as such understands and exemplifies who A.E.F. is and what it stands for.

Key Result Areas Include

- Sales & Marketing
- Social Media
- Public Relations
- Marketing Communications
- Research & Reporting

Communication

- Communicates regularly with the Director and colleagues on all organizational and programs related subjects and information.
- Communicates regularly with external organizations (Profit, Non-Profit & Governmental), customers, prospective customers, and media outlets.

Knowledge, Skills & Experience

- Bachelor's degree in Marketing, Communications, Business Administration, or related field.
- Minimum of 3 years of proven experience in a similar position.
- Results-driven with excellent sales, negotiation, marketing, and customer service skills.
- Excellent interpersonal and communication skills that includes public speaking and presentations.
- Excellent organizational, creative thinking skills and attention to detail.
- Pro-active with excellent time management skills with a proven ability to meet deadlines.
- Excellent analytical and problem-solving skills.
- Excellent data analysis and report writing skills.
- Strong knowledge of market research principles and techniques.

Apply now!

Apply now by sending your CV and motivational letter to e.broeksema@acp.aw !

Quota International of Aruba ta gradici



hopi tempo mas cu e sosten di WEB.

Un danki tambe pa FEPOH (Fundacion pa Esnan cu Problema di Oido y Habla) cu semper ta sostene nos den nos proyectonan.

Tambe nos kier a gradici The Specialist, cu den luna di september tambe ta yuda nos den e Siman di Kibra Silencio y a join nos tambe e biaha aki durante carnaval.

Danki tambe pa All Safety pa nan yudansa cu e ear plugs di hende grandi.

Gradicimento tambe ta bay na Mrs. Minute, Giselle, Fepoh, The Specialist, K&G na Piedra Plat y San Nicolas, y BENU na San Nicolas cu tawata tin nos ear plugs na benta pa facilita esaki pa nos comunidad.

Danki na e scolnan, prensa, programanan na TV, radio y otro medianan di comunicacion, nos gruponan di carnaval cu ta cumpra nos ear plugs y sin lubida nos comunidad di Aruba canto di caminda cu ta warda nos di Quota pasa pa cumpra nos earplug.

Masha danki na nomber di Quota International of Aruba.

Mr. Jairon Odor huramenta como abogado



Despues di un temporada sin actividad pa motibo di e pandemia, e anja aki Quota Intenational of Aruba por a continua cu su campaña di Cuido di Bo Oido den nos temporada di carnaval. Quota International of Aruba su meta principal ta pa traha pa hendenan cu deficiencia di Oido y Habla y pa hende muhenan y muchanan den dificultad.

Pa hopi aña caba, Quota ta conscientisa e comunidad di Aruba riba e importancia di e Cuido di bo Oido y tur luna na september nos tin nos proyecto di Kibra Silencio, caminda e comunidad di

Aruba tin e oportunidad di check nan Oido gratis.

Den temporada di carnaval, Quota ta bishita e scolnan cu informacion y tambe nos ta na e paradanan cu nos benta di ear plugs.

E aña aki, nos a bishita e 6e klasnan di e basisschoolnan di pariba di brug, caminda hunto cu Sr. Glen Rock (veiligheidsfunctionaris na WEB), ta asisti nos cu e lectura pa e muchanan.

Pa 12 aña caba, nos tin WEB como nos sponsor principal cu e ear plugs di mucha y nos ta hopi agradecido pa esaki y spera nos por conta



Riba 28 di maart 2023, Mr. Jairon Odor a huramenta como abogado dilanti Corte Comun di Husticia di Aruba, Corsou, Sint Maarten y B.E.S.

Mr. Odor a caba su estudio di ley na Universidad di Aruba na September 2018. Mr. Odor tin hopi experiencia

caba den casonan di bestuursrecht.

Awor Mr. Odor ta bay traha como abogado na oficina di MK Legal & Consultancy bao di patronahe di abogado Mr. Peter Mohamed. Ta desea Mr. Odor hopi exito y sabiduria den su trayectoria como abogado.

Empresario, tin un cambio di ley cu ta afecta bo!

Kico esaki ta encera?

Entrante 1 di januari 2023 e facilidad fiscal pa spaar pensioen bou di propio administracion NO ta posibel mas.

Awor ta importante pa bo **pensa riba un otro solucion di pensioen.**

Guardian Group Fatum ta ofrece un **producto cu benefician atractivo na directornan y accionista mayoritario.**

No perde tempo! **Tuma contacto cu nos** conseheronan di pensioen pa mas informacion personalisa via **528-3105 of whatsapp 738-3100.**

Guardian Group
Fatum

live easy

f y o i n
myguardiangroup.com

“Klooster Imeldahof” completamente yen di bishitante pa celebracion di 18 di maart 2023

Durante henter e dia a reina un dushi ambiente familiar riba tereno di e klooster di tur bishitante cu a bin pa gosa di un grandioso show cu animacion di Igmar Maduro cu su caha di orgel y piano, Louis Figaroa y su amigonan cu nan grupo tipico y soprano Tica Giel cu a deleita tur presente cu su interpretacionnan dedica na Aruba.

Tambe a disfruta di bunita baile y musica di Madelen Kelly cu su grupo Rosea Cultural hunto cu Marcia Dirksz y participante hubenil na “Un canto pa Aruba” Lizenne Ras. Mientras e bishitante por a pasa admira e Kapel hunto cu exposicion ‘Historia di Parokia di Noord’ den e edificio monumental aki, por



a pasa cumpra cos dushi di Aruba, acesorio y mucho mas na e diferente tentnan pafo.

E hobennan di tanto Pastoral Hubenil Noord cu di Santa Cruz a traha duro e dia aki pa logra yega na fondo cu tin como meta e biahe pa Portugal, pa nan participa na e Jor-

nada Mundial Hubenil 2023. Nan tabata tin un tremendo workshop. Na nan tent di mercado di purga tur hende por a haya algo di smaak.

Fundacion Kapel di Bethania ta gradici primeramente pueblo di Aruba pa e acogida di e actividad di celebracion



di 18 maart na Noord, na Igmar Maduro, Tica Giel, Louis Figaroa y su amigonan, Madelen Kelly y grupo Rosea Cultural cu a pone un bunita show y na Minister Ursell Arends pa su bishita cerca nos. Un danki di curason ta bay na Minister di Cultura Xio-

mara Maduro pa su sosten cu e dia di celebracion y gratitud grandi na e boluntarionan cu a bin ta traha duro pa nos fundacion.

Pa mas informacion di nos fundacion por busca nos riba facebook ‘Fundacion Kapel di Bethania’.

DRH cu quiz cultural den luna nacional



Den nos luna nacional e departamento di recurso humano di gobierno a organisa un quiz cultural cu accento riba conocimiento general di Aruba.

E presentadonan tawata

Addonsito Croes y Jarissa Dubero. E asistentenan tawata Mieckey Gravenhorst y Dylan Fingal.

Total tawata tin 5 grupo cu a participa na e weganan Topografia di Aruba, Unda mi tawata, Ken mi ta,

Berdad of Falso, Bonus y Conocemento General.

Finalmente e ganado a bira grupo BISPAU y di dos luga DUSHI GRUPO. Tabata un dia hopi placentero y un felicitacion ta bay pa e comision organizado.



L.R. MORALES-WIX
GERECHTSDEURWAARDER
WINDSTRAAT#21 (297)5836371

Bij exploit van mij, **Linda R. Morales-Wix**, deurwaarder van de 23ste maart 2023, heb ik, deurwaarder **BETEKENDE**: een grosse van de beschikking van 28 februari 2023, waarbij ten verzoeken van SOK MAY LIM, in Aruba, **SOW KUEN WAN**, wonende te Boegoeroei no. 97 in Aruba **onder curatele gesteld**, met benoeming van **SOK MAY LIM**, tot curatrice.

Linda R. Morales-Wix, Deurwaarder.

ELMAR: Disfruta di actividad di hisa fli pero tene precaucion cu waya di coriente

E actividad di hisa fli ta un di e entretenimentonan popular aki na Aruba, pero e ta importante pa tene cuenta cu e actividad aki ta presenta cierto riesgo si no ta tuma e precaucionnan adecua.

Un di e riesgonan mas grandi ta cu e fli por pega den wayanan di coriente. Nos ta recomenda pa no hisa fli cerca di nan. Si bo ta buscando un

tereno unda bo por hisa fli, segura cu no tin wayanan di coriente cerca.

Pa yuda evita un tragedia, nos ta pidi nos comunidad di Aruba pa sigui e siguiente reglanan:

- No uza ningun sorto di material cu ta conduci coriente como e waya pa traha e fli of su rabo;

- No trek e rabo di fli pega den wayanan di coriente pa coriente no dal bo, den caso

cu esaki keda colga te riba caya;

- Si acaso cu bo fli a pega den wayanan di coriente, yama ELMAR mesora y nos lo kita esaki for di wayanan di coriente.

Bo seguridad ta nos prioridad! Pa mas informacion, tuma contacto cu nos Contact Center na +297 523-7100 of customerservice@elmar.aw



Minister Rocco Tjon hunto cu shopstewards di tur sindicato a haci un recorrido na Guarda nos Costa

Dialuna mainta, minister di Husticia y Asuntonan Social Sr. Rocco Tjon, a bishita Guarda nos Costa, despues cu a reuni cu sindicato siman pasa. Hunto cu shopstewards di SEP-PA, STA y TOPA, a haci un recorrido y a haci palabracionnan concreto di con ta bay atende cu e necesidadnan di mas grandi cu tin pa cu personal. Un bishita sigur positivo y den bon union cu e shopstewardanan di e tres sindicatonan mencionan.

Siman pasa a reuni cu sindicato TOPA, shopstewards y leiding di Guarda nos Costa, pa loke ta trata e desaroyonan na Guarda nos Costa. Durante e reunion aki a palabra cu lo bay haci un bishita na Guarda nos Costa, hunto cu sindicato, pa asina nan mes



por tira un bista di con e situacion actual ta. Ta asina cu tin diferente desaroyo na caminda, entre otro e partinan cu ta toca e circunstancianan di trabou di e trahadonan. A base di esaki a traha un lista, y a palabra cu esaki lo haya su debido atencion, riba cual a basa e bishita na Guarda nos Costa hunto cu sindicato, pa asina pasa door di cada punto y palabra cu ta bay atende cu esakinan.

E shopstewards di SEPPA,

STA y TOPA tawata presente na e bishita aki, caminda hunto cu TOPA y leiding di Guarda nos Costa a tene un bon reunion sigui pa un recorrido caminda a tira un bista riba e aspectonan cu ta toca e circunstancianan di trabou di e personal. Na mes momento a duna un splicacion amplio di e procesonan cu ya caba ta canando su caminda pa asina trece e cambionan cu e personal ta desea di wak. Banda di esaki, a toca

tambe e parti di uniform y uitrusting pa cu personal.

Por ultimo, minister Tjon a expresa cu e ta wak bek riba un bishita sumamente positivo, caminda a logra dialoga

cu e personal mes y a traha palabracionnan concreto cu lo bay wordo ehecuta e simannan nos dilanti, pa asina trece e cambionan cu personal ta desea di wak na Guarda nos Costa.

Stichting Funari a bishita Santa Rosa



Aweyera mainta, Santa Rosa a conta cu bishita di e grupo alegre di Stichting Funari.

Nan sigur no a laga nan limitacion stroba nan di haya un rond leiding den Santa Rosa. Nan a conoce e diferente sec-



cion nan y na final a disfruta di nan resto di mainta den nos Cunucu di Chabelito.

ARUBA
Beach Club Resort

since 1977
Job Opportunity

HUMAN RESOURCES MANAGER-Aruba Beach Club Resort

The HUMAN RESOURCES MANAGER will lead and direct the routine functions of the Human Resources department and reports to the General Manager.

Position Profile

- Performance management – deliver performance management programs that drive high performance culture.
- Recruitment and selection – direct and manage the recruitment and selection process.
- Learning and development – implement and monitor effectiveness of training programs.
- Human Resources policy – develop, implement and maintain Human Resources policies across the organization.
- Reporting and management of Human Resources metrics – produce reports on key metrics, including remuneration and benefits, absenteeism and turnover.
- Leadership – mentor direct reports and provide coaching to help them reach potential.

Position Requirements

- Bachelor degree in Human Resources Management or Hospitality/Tourism Management.
- Minimum 5 years' experience.
- Working Knowledge of HR policies, procedures, Labor Laws and familiarity with the latest HR trends.
- Knowledge of Payroll Pro/HRM & PayClock System.
- Proficient in Microsoft Office Applications.
- Fluent in English, Dutch and Spanish.
- Responsible, detailed and a person of integrity.
- Flexible in working hours.
- Excellent interpersonal and communication skills.

The Aruba Beach Club Resort is a world class timeshare resort which, as the first of its kind in the Caribbean, provides Aruban style excellent service to its members and guests. We offer competitive salary and benefit packages. Submit your application, including cover letter and resume, via e-mail to lurbina@arubabeachclub.net

Arkansas ta demanda TikTok y Meta tocante privacidad y preocupacion pa seguridad di mucha

(AP) - E estado di Arkansas a demanda TikTok y Meta riba diamars, bisando cu e companianan di rednan social tabata mal informando e consumidornan tocante e seguridad di muchanan riba nan plataforma y e proteccion di e privacidad di e usuari-
onan.

E estado a entrega dos demanda contra TikTok y e compania ByteDance y un tercer demanda contra di Meta, cual ta doño di Instagram, acusando e companianan di viola e acta Deceptive Trade Practices. "TikTok ta un peliger scondi," un di e demandanan a acusa. "Siempre y cuando TikTok por sigui gaña y mal informa e consumidornan di Arkansas tocante e riesgonan na nan data, e consumidornan aki ta victima facil."

Gobernador Sarah Huckabee



Sanders y abogado general Tim Griffin, ambos republicano, a anuncia e demanda mientras TikTok ta sigui enfrenta critica tocante e seguridad di e data di su usuari-
onan. Ambos FBI y e oficialnan di Federal Communications Commission a adverti cu ByteDance por comparti data

di usuario di TikTok cu China su gobierno autoritario.

Un di Sanders su prome movidanan tabata despues cu el a keda huramenta como Arkansas su gobernador den januari tabata di firma e orden ehecutivo pa prohibi TikTok riba tur dispositivo di



e estado.

Un di e demandanan ta acusa cu TikTok no tabata tumando e pasonan apropia pa proteha e menornan kendenan ta usa e plataforma di contenido inapropia, incluyendo contenido sexual y material cu ta ilustra droga of uso di alcohol. TikTok no a responde inmediatamente na email cu

peticion di comentario riba diamars. "Nos tin decadas ta mira con durante e decada un compania di rednan social tras di otro a explota nos muchanan pa ganashi y a saca pa bista di gobierno," Sanders a bisa den un declaracion publica pa su oficina. "Mi administracion no lo tolera e status quo fracasa aki."

Data di 700,000 cliente di VodafoneZiggo exponi a causa di robo di data

(NLTimes) - E data personal di mas o menso 700,000 cliente di VodafoneZiggo a leak pa causa di un robo di data, segun e compania a declara diaranson.

E proveedor di telecomunicacion ta traha cu e agencia di investigacion di mercado Blauw, cual a bisa cu un dia anterior un persona fuera di e compania a obtene acceso na e data persona pa causa di problema cu un di e proveedornan di e compania.

Esaki ta concerni principalmente data manera nombernan y emailnan segun VodafoneZiggo. "Te ainda nos ta conduciendo investigacion. Te cu awo, esaki no ta concerni detayenan di banco ni tampoco password." Estafadornan por usa nombernan y detayenan di contacto como parti di un estafa, unda nan ta usa e identidad di otro persona den emailnan of mensa-
henan directo pa horta informacionnan mas sensitivo.

E compania di telecomunicacion a reprota anteriormente cu e clientenan a keda afecta pa e incidente aki. Sinembargo na e tempo ey no tabata cla con hopi clientenan tabata afecta. Anteriormente,



e compania NS a adverti cu data di mas o menos 780,000 cliente posiblemente ta involucra den un robo di data. VodafoneZiggo, Blauw y NS a reporta e leaknan aki na Dutch Data Protection Authority.

Un total di 14 compania tabata afecta segun Blauw. E investigador di e mercado a bisa diabierna cu un persona cu no tabatin autorisacion a ricibi acceso na e proveedor su red. Riba dialuna, e proveedor a confirma e hecho y cu e data berdaderamente a keda horta. E compania te ainda ta investigando exacta-



mente cua data tabata horta y mira pa personanan cu no tabatin autorisacion. Acceso na e data personal awo a keda segura.

Blauw no tabata dispuesto pa

bisa ken e proveedor tabata y tampoco kier a revela cua companianan tabata afecta. Albert Heijn, Etos, bol.com y Vattenfall tambe ta cliente di Blauw, pero a bisa cu nan no

a ser afecta pa esaki. E mesun ta aplica pa e parke di tema Efteling, e sitio web di promocion clasifica Marktplaats, thuisbezorgd.nl y ESPN.

Eleccion di Reina di Kickingball 2023

Diasabra 26 maart 2023 tabata eleccion di Reina di Kickingball 2023 unda cu a participa 6 damas di e teamnan Almas libres, Ladys Power, Yoyo's kick kickingball Aruba club; Black, panthers the queens, Amazonas.

E ganador tabata Juriella Guerrero di Yoyo' kick Kickingball Aruba club.



Minister Endy Croes ta desea ekiponan hopi exito den baseball liga 40 plus



Diabierna ultimo, na Jo-Ann Bar & Restaurant a tuma luga e "Meet and Greet" di e campeonato di Baseball Liga 40+.

Den un acto simbolico ekiponan a entrega lista pa asina duna inicio oficial na e campeonato di Baseball Liga 40+ pa aña 2023. Minister di Deporte Endy Croes tabata presente na e momento spe-

cial aki.

Den aña 2022 e torneo a conta cu seis ekipo y e aña aki a bin un ekipo extra. Un total di shete ekipo lo bataya pa asina konkista e titulo maximo di e campeonato. Presidente di DBCA, Sr. Jimmy Werleman y henter su directiva tabata presente pa asina a duna apertura oficial na e campeonato di Baseball Liga 40+.

E weganan ta tuma luga riba diasabra, lo tin 3 wega uno mainta y dos merdia. Minister di Deporte a duna sosten financiero pa yuda cubri algun gasto di umpire etc. Finalisando, Minister Endy Croes ta desea felicita Sr. Jimmy Werleman y e directiva dinamico cu ta trahando cu hopi energia pa e deporte di baseball y alabes ta desea ekiponan hopi exito.

ARUBA
Beach Club Resort

since 1977

To complete our Dynamic Team at the FRONT-DESK Department, we are looking for an equally dynamic and highly motivated:

1 F-O AGENT/N-A RELIEVER

Requirements:

- Dutch Nationality or valid work permit
- HAVO or EPI (Horeca)
- Excellent communication skills, both verbal and in writing of:
Papiamento, English, Dutch and Spanish
- Previous experience in a similar position is a plus
- Ample computer knowledge
- Outgoing personality
- Service oriented and good team player
- Able and willing to work different shifts/holidays
- Age: between 21 and 50 years
- Own transportation

We offer:

A competitive salary with secondary benefits and a pleasant work environment.

Please submit your application together with your résumé to email address kock@arubabeachclub.net.

We are located at J.E. Irausquin Boulevard 53.
For more information, call us at 524-3016.

Bista Politico ta un seccion di Bon Dia Aruba specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di Bon Dia Aruba y ta pa responsabilidad exclusivo di e organisacion/individuo cu ta ofrece esaki pa publicacion. Bon Dia Aruba ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di Bon Dia Aruba.

BISTA POLITICO

Minister Glenbert Croes (MEP):

E retonan cu Aruba ta enfrentando riba tereno di energia ta crucial pa nos por asumi e desafio y realisa e proyectonan necesario

Minister Glenbert Croes na Spaña a toca diferente tema di atencion cu e compania INDRA. Manera a splica anteriormente INDRA ta grandi na nivel global riba tereno di Energia como tambe den tecnologia y digitalisacion di servicionan.

Pa concretisacion di Aruba Hydrogen Valley e reunionnan na Spaña ta sumamente importante. Den e ambito aki a reuni cu Acciona Energia riba proposicion di Hydrogen Valley Groningen.

Na nivel di Ministerio di La-



bor, Energia y Integracion, e mandatario tin e vision di por hiba e departamentonan como tambe e companianan di Utilidad e proximo nivel di servicio y operacion. E departamentonan di Gobierno mester di e refuerzo tec-

nologico y di digitalisacion pa por funciona di optima forma y pa por enfrenta e retonan di futuro.

E companianan estatal semper a keda inverti den nan respectivo companianan. Pero cu tempo semper ta presenta tecnologianan nobo, mas eficiente y innovativo cu por mehora e operacion y servicio di e compania aun mas, cu finalmente ta beneficioso y transparente pa e consumidor.

Pa e motibonan aki entre otro e reunion cu INDRA – MINSAIT tabata cardinal. Na final di dia e meta ta pa por brinda comunidad un

servicio transparente unda cu e cliente ta keda central den tur e servicionan pa nos pueblo.

Durante un entrevista cu a sostene cu Sr. Leonardo Benitez Director di Energia & Utilidad di INDRA, el a splica mas di e importancia di un bon sistema di tecnologia y digitalisacion. El a keda impresionado cu e retonan interesante cu Aruba tin na nivel di Energia y administracion publico.

Pa por realisa e proyectonan necesario mester enfrenta y konkista e retonan existente.

Minister Ursell Arends (Raiz):

Awa ta amigo y peligro: E diferencia entre un y otro ta sinta den e forma con nos atende cune



Durante e Conferencia di Awa di Nacionnan Uni 2023, Aruba a participa na diferente sesion, reunion y conversacionan pa trece Aruba su puntonan di bista y preocupacionnan dilanti. Tambe a elabora ariba e pasonan cu Gobierno di Aruba a bin ta haci pa prepara nos mes pa e efectonan di cambio climatico y e retonan cu esaki ta trece cune pa loke ta trata awa en general.

Durante e conferencia a pone enfasis riba dos number, 0.04% y 0.003%.

Loke e numbernan aki ta representa ta e cantidad di awa cu nos por cubri pa e demanda cu tin actualmente. Awa potabel den nos subsuelo ta suficiente solamente pa menos cu 0.04% di tur habitante di nos isla. Ora inclui turista cu nos ta ricibi, e cantidad di awa den nos subsuelo ta cubri me-

nos cu 0.003% di tur loke nos mester. Esaki ta un realisacion cu nos mester ta consciente di dje, nos awa ta un recurso natural, limita. E gravedad di e numbernan ey ta sin conta cu nivel di awa rond mundo ta keda subi. Esaki ta pone cu tur esfuerso pa accelera e adaptacion pa cambio climatico mester wordo poni como prioridad. E intercambio eficiente di conocimiento y di informacion ta fundamental pa desaroya e resiliencia di nos costanan.

Diaranson Minister Arends a atende 'Water and Agriculture for Climate in Latin America and the Caribbean' unda a enfatisa cu desaroyo di Aruba su sector di agricultura ta un di e prioridadnan principal di su parti. "E meta ta pa aumenta e seguridad di alimentacion. Pero tur nos esfuerso lo no funciona si nos no compronde nos vulnerabilidad y e efectonan di cambio climatico. Na mes momento nos ta kere cu agricultura ta ofrece amplio solucionnan cu por contribui pa adapta y mitiga e efecto di esaki. Por ehempel, innovacion den tecnologia pa yuda uza awa den un manera mas eficiente", minister ta subraya.

Diahuebs, durante e lansamento oficial di e 'International Panel on Deltas, Coastal Areas and Islands' (IPDC), Minister Arends a y ta forma parti di e 'Champions Group' cual tin como rol pa entre otro trece inciativanan

dilanti cu por yuda accelera accion den ehecuto maneho pa ta miho prepara pa cambio climatico. Esaki ta un iniciativa di Ministerie van Infrastructuur en Waterstaat, encarga door di Sr. Mark Harbers di Hulanda. E obhetivo di esaki ta pa yuda paisnan cu colaboracion entre institutonan financiero como tambe institutonan cu ta enfoca riba expande conocimiento, cu enfoca riba awa y cambio climatico. "Nos mester adapta, improvisa y surpasa. Aruba lo beneficia enormemente di e iniciativa di IPDC cual ta provee acceso na un red extensivo di conocimiento y guia cientifico pa sostene solucionnan strategico y sostenibel pa e desafionan relaciona cu e clima y awa," minister Arends a menciona.

Aruba a asumi varios compromiso e "UN Water Conference 2023" pa cu e maneho sostenibel di nos recurso natural di awa, pa nos naturalesa, pa nos hendenan y pa nos economia. Entre e compromisonan ta un plan ta di rioolwaterzuiveringsinstallatie (RWZI) nobo; desaroya un plan integral di conservacion pa e 'Western Wetlands' pa mehora y proteha e balornan natural pa asina coverti esaki den areanan 'RAMSAR'; desaroya un memorandum y ordenanza pa regula y optimalisa e sistema di awa na Aruba den su totalidad.

Diabierna, riba e ultimo dia di conferencia, minister Arends tabata tin e honor di ta entre e panelistanan na e evento di 'Rights of Nature' organisa pa GARN y Earth Law Center. A enfoca riba Derecho di Naturalesa como un herment holistico pa restaura y proteha awa na mundo y asina cumpli cu e Metanan di Desarojo Sostenibel (SDG's). Esaki ta un concepto cu Ministerio di Naturalesa ta para firmemente p'e, unda flora, fauna, habitantenan completo ta haya balor y proteccion huridico. Durante e panel por a tende diferente representante di grupo indigena cu ta suplica pa nos como ser humano reconece e impacto cu nos ta lagando atras, e destruccion di mama tera. Minister Arends a termina su discurso enfatisando riba e respet inmenso cu e tin pa e gruponan indigena rond mundo y ta uni su mes na nan lucha pa proteha naturalesa. "No tin miho manera pa demostra nos compromiso cu naturalesa door di introduci Derecho di Naturalesa y Derecho di Ocean na Aruba", minister Arends ta termina.

Un siman intensivo pero sumamente fructifero unda esfuersonan exitoso a wordo haci pa fortifica e lasonan entre Hulanda y otro paisnan pero tambe cu diferente instancia pa posibel colaboracion den yega na solucionnan pa e retonan cu cambio climatico ta trece cune pa Aruba.

Bista Politico ta un seccion di **Bon Dia Aruba** specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta reflega opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

BISTA POLITICO

Parlamentario Marco Berlis (MEP):

Update riba desaroyonan di Family Justice Center

Den comunidad e tema di abuso sexual di muchanan ta un tema hopi sensitivo y importante. Ultimo añanan esaki a haya hopi atencion, cual sigur ta hustifica. Mirando cu esaki tambe tin mi atencion debido, mi ta informa mi mes periodicamente riba e ultimo desaroyonan cu ta tumando lugar riba e tema aki.

P'esey, algun siman pasa mi a haci un serie di 10 pregunta na minister di Husticia y Asuntonan Social sr. Rocco Tjon, pa duna mi un "update" riba e desaroyonan di Family Justice Center (FJC). Un di e preguntanan aki ta: "Minister, den cuadro di ayudo pa muchanan cu ta wordo abusa, por duna un update kico ta pasando cu Family Justice Center y con e desaroyonan ta tumando forma cynan? Minister su contesta riba e

tema tabata lo siguiente: Family Justice Center ta trahando desde 2021 pa logra su propio edificio. Mientras tanto e vision ta pa sigui promove pa instancianan hudicial, medico y social traha mas cerca di otro. E meta ta pa ofrece ayudo y un servicio mucho mas mihor y mas completo cu ta posibel na victimanan di abuso sexual y violencia relacional fisico severo.

Ta preparando y ekipando e cadena hudicial, social y medico pa mehora e servicicionan na e victimanan. Den transcurso di aña pasa a organisa e training "kinderverhoor" pa e personal di JZP y tres psicologo cu ta sostiene JZP den casonan mas dificil y tambe den preparacion di menor nan pa e verhoor. Banda di esaki a aumenta e cantidad di di chercheurs na JZP pa nan tin un ekipo completo a

base di nan formatie rapport. Ademas a obtene tur material electronico pa por instala esakinan den e verhoorruimte di JZP.

Hunto cu DVG a logra pa Aruba tin su propio dokter specialisando desde Maart 2022 pa bira medico forensico pa Aruba. Mientras tanto ya Aruba conoce su prome dokter forensico contrata for di Hulanda desde 1 di December 2022! E desaroyo aki tin bentahanan y un logro grandi pa cu e cadena hudicial, social y medico.

A logra contactonan y ta canando e caminda pa por bin cu e opleiding di recherche psycholoog pa tanto Aruba como e otro islanan di Reino.

A organisa tambe un e-learning training di AUGEO foundation pa 150 profesionalnan riba tereno medico, e training ta especificamente riba e area medico y ta trata e



temanan entre otro; "reconoce señalnan di maltrato cerca pashentnan" y "con pa dirigi combersacionnan complica ora di preocupacionnan pa cu señalnan di abuso/maltrato di como menor of adulto."

A firma un MOU cu European Family Justice Center y gobierno di Boneiro den cuadro di colaboracion pa

ambos Family Justice Center.

Asina mi lo sigui controla gobierno y pidi alabes informacion riba e tema di abuso sexual contra nos muchanan. Gobierno ta logrando pasonan grandi den e e area aki y asina ta sigurando pueblo cu ta haciendo un trabao grandi pa proteha esnan mas vulnerabel den nos sociedad.

Aquannette Gunn (MAS):

Minister Arends, pone bo palabranan bunita den practica

GOBIERNO DI ARUBA
Ministerio di Transporte, Integridad, Naturalesa y Asuntonan di Adulto Mayor
Asi De Voorzitter der Staten van Aruba
De heer mr. E.G.A. Yoris
Oms kenmerk: MTNG/164-030
The kenmerk: UV/22-23/990
Oranjestad, 22 maart 2023

Onderwerp: Beantwoording vragen staatlid mr. A. Gunn

Gechied Voorzitter der Staten,

Nieuw aanleiding van de vragen van de Staatlid mr. A. Gunn (UV/22-23/990, d.d. 10 januari 2023) geadresseerd aan mijn persoon, als Minister van Transport, Integriteit, Natuur en Ouderenzaken, ingevolge artikel 31.17 van de Structuuregeling van Aruba en artikel 34 van het Reglement van Orde voor de Staten van Aruba doe ik hierbij de antwoorden op voornoemde vragen aan u toekomen, evenals haar brief, in het paginamen:

- Minister, por informá Parlamento den detaye kico ta su vision cu respecto e cuido pa e grupo di personanan di tercer edad cu ta rehet di un cuido profesional di cual nan tin derecho riba dje?
- Minister, por informá Parlamento den detaye kico ta su vision cu respecto e cuido pa e grupo di personanan di tercer edad cu ta rehet di un cuido profesional di cual nan tin derecho riba dje?
- Minister, por informá Parlamento den detaye kico ta su vision cu respecto e cuido pa e grupo di personanan di tercer edad cu ta rehet di un cuido profesional di cual nan tin derecho riba dje?
- Minister, por informá Parlamento den detaye kico ta su vision cu respecto e cuido pa e grupo di personanan di tercer edad cu ta rehet di un cuido profesional di cual nan tin derecho riba dje?
- Minister, por informá Parlamento den detaye kico ta su vision cu respecto e cuido pa e grupo di personanan di tercer edad cu ta rehet di un cuido profesional di cual nan tin derecho riba dje?

Hopend u voldoende te hebben geïnformeerd,
Verblijf ik,
Minister van Transport, Integriteit, Natuur en Ouderenzaken.

Pa ser exacto dia 26 di october 2022 mi a dirigi 6 pregunta na e minister di Transporte, Integridad, Naturalesa y 'Ouderenzaken', Sr. Ursell Arends relaciona cu casnan di cuido pa personanan di tercer edad. Su persona a tuma casi cinco luna pa contesta e preguntanan.

3. Minister, por informá Parlamento den detaye kico ta su plan di accion riba termino cortico pa reduci e lista di espera?

Pa reduci e lista di espera mester di un bon actualisacion y implementacion di e lista, categorisacion di e tipo di caso di cuido (organismos), porcira pa casnan di cuido particular ta apara cu debida supervicion, guia y control y alabes entre cu SABA ta sigi cu recorte di casanan.

4. Minister, por comparti cu Parlamento su punto di bista relaciona cu e tema di e cantidad actual cu ta indica cu e ser humano ta control, mientras cu pa falta di recurso financiero y personal di tercer edad no ta recibiendo e cuido profesional y necesario?

E tema di Gobierno di reduci e cantidad ta "Ser humano di nos tur". Aruba mester di un adulto mesterman. Aruba e ta un promesa personal di Parlamento cu ta sigi cu falta di recurso financiero y personal di tercer edad no ta ta recibiendo e cuido profesional y necesario, mi ta di acuerdo cu mester sigi enfoca riba cuido di calidad y accesibilidad pa nos adultonan Mayor.

5. Minister, por comparti cu Parlamento e cantidad di personanan di tercer edad cu den e ultimo djez aña a keda registra cu ta sufi di demencia (enformacion dnanan ricibi di Centro di Memoria)?

Confirme data cu a ricibi for di Dr. Horacio Ochoa Hospital pa di Saba (periode 2019-2022) ta dreto e cantidad di persona cu Centro di Memoria a atendido. E prome over djez ta dreto e cantidad di cliente cu ta serbi pa luna desde 2018. E di dos tabel ta e total di cuido pa luna desde 2018.

# di cliente		# di cuido	
2018	2019	2018	2019
Jan	12	40	12
Feb	10	35	10
Mar	15	45	15
Apr	18	50	18
May	20	55	20
Jun	22	60	22
Jul	25	65	25
Aug	28	70	28
Sep	30	75	30
Oct	32	80	32
Nov	35	85	35
Dic	38	90	38
Tota	245	800	245

6. Minister, por comparti cu Parlamento cuanto persona di tercer edad den e ultimo 5 aña ta interna den HOGI djez na e buho cu no tin cuipo pa nan por keda interna den un cas di cuido y nan conducto ta rehet un cuido profesional?

Pa fiscal ta e cantidad di cliente cu ta keda djez na mas largo den Dr. HOGI (Hospital) pa motibo cu no tin cuipo pa nan necesidatnan. Hospital no tin nan registro como tal. Probablemente a serbi di Hospital ta apara nan mester cu e cuido na buho un lugar pa nan y ta

Tin cu aña di cu den e lapso di tempo mi a manda e mandatario 4 recordatorio (rappel). Analizando e contestanan ricibi y e tardansa pa haci tal, ta laga un sabor amargo y ta ratifica e falta di seriedad, honestidad y respet di parti di e mandatario pa cu Parlamento.

Un di e preguntanan haci na minister Arends ta cu si su persona por comparti cu Parlamento e lista di espera di tur e casnan di cuido subsidia door di gobierno. E contesta ricibi ta cu e lista actualmente ta wordo revisa y actualisa pa por tin un bista real! Ta un ironia, pues den e carta cu SABA/CMCC a dirigi na e mandatario riba 14 di november 2022,

e fundacion ta haci mencion cu tin 165 persona riba e lista di espera. Ta e caso cu algun di e personanan di cual nan famia tin e posibilidad financiero a percura di interna nan sernan keri den un di e casnan di cuido priva, mientras cu kisas e cuido specialisa cu e persona tin mester no ta acopla cu e servicio cu por ser brinda.

Ta e deber di e mandatario pa e splica cuanto e cifra indica door di SABA por a cambia y ta crucial pa e minister duna cuenta cuanto tempo mas lo tuma pa e departamento concerni revisa y actualisa e data. Na momento cu minister Arends a haya e cartera di adulto mayor na september 2021 el a pone enfasis cu su persona SI lo percura pa e adultonan mayor haya e atencion mereci. Mientrastanto 18 luna a pasa y ainda no tin nada concreto CON su persona lo bay ehecuta su vision. Pueblo ta cansa di scucha y of lesa palabranan bunita. Pa finalisa Parlamentario Gunn a subraya cu a yega momento pa minister Arends traduci su palabranan bunita den echo.

Donacion special pa biblioteca hubenil



Artista visual Steffen Maas a duna biblioteca diferente pakete di wega pa mucha. Weganan cu Steffen a crea. Cada pakete ta consisti di un wega di domino, un wega di memory y un wega di kwartet. E imagennan ta e mesun cu a publica den 'Mi buki di Aruba'. Mi buki di Aruba ta ofrece muchan-




an di Aruba imagennan reconocibel di nan mes contexto cultural y medio ambiente.















E weganan ta ofrece imahen riba diferente topico, manera cuminda y custumber di Aruba, naturalesa y paisahe di Aruba. E wega 'ArubABC' ta muestra varios parha, fruta, mata, instrumento musical, sitionan y monumentonan conoci di Aruba. E material ta masha colorido y atractivo. Mucha ta reconoce e imahennan facil y alabes ta siña lesa letter, e palabra of nomber. Steffen Maas a crea e weganen enfocando riba mucha mas jong cu ta siña lesa, pero por usa e weganan pa mucha







di tur edad y tambe den klas. Banda di produci e publicacion 'Mi buki di Aruba' tabata Steffen su meta pa desaroya materialnan adicional pa complementa e buki, por ehempel weganan di grupo, buki di ehercicionan y aplicacion digital como metodo di enseñansa.

Pa por a ehecuta e proyecto ABC, Steffen Maas a ricibi un subsidio di Prins Bernhard Cultuurfonds Caribisch Gebied (PBCCG). E proyecto ta wordo apoya door di 'World Literacy Foundation'.

Pa conoce e proyecto completo por bishita <https://www.abcbbooks.org/news>

Resultado Sorteo maart 29, 2023			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
7720	3404	9879	3694
6447	8958	SUPER5	7777
6402	1975	-	6043

MERDIA	ANOCHI
 Sorteo # 3869 8441 0110 6805  X2  Sorteo # 3869 2844  Sorteo # 1925 8900  Sorteo # 3869 0191 Tauro  Sorteo # 743 504  FP	 Sorteo # 7904 0944 5702 7634  X2  Sorteo # 6948 6387  Sorteo # 1653 4692  Sorteo # 5707 6184 Tauro  Sorteo # 637 603  FP

 Sorteo # 2375 0 x Jackpot 0 x Match 4+ 16 x match 4 286 x Afl. 12,00	16-20-21-25-34 Joker 29 Letter G Proximo Jackpot 750.000,-
 Sorteo # 6075 0 x Jackpot 5 x Match 4 152 x Afl 8,00	05-14-19-25-26 Proximo Jackpot 56.000,-
 Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl. 15,00	Mega Ball: Proximo Jackpot 250.000,-
 MEGA RUUS	Afl. 350.000,-
 Sorteo #	

Diasabra 1 di april 2023,
Santo Eucaristia na Kapel di Alto Vista y na Blue Army (Cas Curason di Maria) na San Nicolas



Diasabra 1 di april 2023 Santo Eucaristia ta cuminsa pa 7 or di mainta, prome ta resa Santo Rosario pa 6.15 "Misterio Gososo", despues ta resa Salve Regina.

Ta invita tur fielnan pa asisti diasabra mainta 1 di april 2023 pa un Santo Sacrificio di Misa. Mama Maria a bisa na tres wardadornan pa resa e Santo Rosario tur dia. Papa Francisco ta haci un suplica pa resa e Santo Rosario. Rusia ta sigui cu guera y ta comete actonan di criminalidad contra muchanan inocente. Ta kita muchanan for di nan mayornan, ta contra ley di humanidad. Aki na Aruba nos tin tur libertad, no ta tur parti di mun-

do tin libertad di expresion. Gradici Dios pa esnan cu ta haci nan esfuerso pa presenta nos isla den weganan di deporte, y tambe esnan cu ta guianan.

Cu Dios bendiciona nos hobennan, mayornan tin e obligacion pa lanta nan yiunan den un hogar di comprendemento, amor y respet. Laga nos resa pa necesidad di Iglesia Universal, pa Papa Francisco, Obispo Luis Secco, tur sacerdote, Diacono y laiconan. Pa nos Gobernantenan y tur cu ta carga responsabilidad pa nos pais Aruba. Oracion pa nos enfermonan den hospital y esnan cu ta sufri di malesanan incurabel, pero pa Papa Dios tur sanacion ta posibel.

Clasificado

ECONOMICO aviso@bondia.com

Personal GRATIS max. 20 palabra
 PASA LAGA BO AVISO NA OFICINA DI BON DIA
 ARUBA WESTSTRAAT#22 FOR DI 9:00AM-4:00PM
 Email nos na
 classified@espnv.com

TA BENDE

Hooi a yega (yerba pa bestia)
 Matividiri 60
 594 1317
 Afl.55 pa 74 LB
 Tel. 594 1317

SERVICIO PUBLICO

Construction
 remodelacion di cas, traha cas,
 apartment, traha y drecha dak,
 electricidad, verf pega mosaico,
 traha cura, plomeria. Bon prijs
 Tel. 593 3141

SERVICIO PUBLICO

Buscando auto pa huur y na bon
 prijs? yama nos
 Tel. 593 9953/ 593 8453

SERVICIO PUBLICO

Ta haci tur trabou di
 construccion y carpinteria y tur
 cos cu ta furamento di stul di
 bambu, cabana y toldos
 Tel : 746 0518 / 569 7539

TA BENDE

BBQ Grill tipo cilinder
 "criyoyo" duradero
 Prijs Afl.250
 Tel. 569 7787

SERVICIO PUBLICO

Sushi den cura pa solamente
 50,- pa buelta, nos ta lante lague
 limpi mane un soño.
 Arubiano trahado
 Call 592 5766

Sushi den cura?

Ta piki sushi cu pick-up
 grandi pa Afl 75,= pa buelta.
 Yama nos na
 561 4297 of 561 5179
 Hasi Aruba Limpi.

TA BENDE

Caha di Orgel.
 Tin 3 cylinder NOBO.
 Pa mas informacion yama
 Tel. 593 0203

SERVICIO PUBLICO

Mi ta cuida mucha " baby sister".
 Mi tin bon experiencia
 y bon cuida
 Te. 562 5941

SERVICIO PUBLICO

Pa tur trabou di Plumbing
 (binnenleiding) pega w.c
 wasbak, tubo di gas, etc
 Yama Mario Franken
 Tel. 740 6591

SERVICIO PUBLICO

Pa tur trabou di tapiceria di
 mueble, auto, yate y barco.
 Nos ta haci trabou di cabana y
 bambu y nos ta verf
 Tel : 569 7539 /737 3993

AUTO Y HERO BIEU

Nos ta piki auto, aircu y bateria
 bieu pornada. Frigidaire, stoof,
 wasmachin, tv ta 10,=.
 Yama 561 4597 / 561 5179
 Arubiano Balente

TA BENDE

Combo di regalo pa tur
 ocasion: Mugs, kerki di biña,
 tablashi cu leyenda
 Pa mas informacion
 Cell whatsapp 567 2907

TA HUUR

Se alquila habitacion con todo
 incluido
 Brikstraat na Playa
 Tel.564 1979

SERVICIO PUBLICO

Sra. ta haci cas y negoshi limpi
 tambe por cuida baby y hende
 grandi part time y full time
 Tel. 740 7573

TA BUSCA

ABESO
 Roofing & Contractors
 Ta Busca
 Dakbedekkers
 Por yama na
 593 6720 of 593 9536

SERVICIO

Unified One Events
 Photos , films, wedding
 Tel. 749 2533

SERVICIO PUBLICO

Ta traha y renoba Cas
 ta traha y drecha dak, ta basha
 vloer, pleister, verf cas, traha
 cura, pega mosaico y azulejo-
 Tel.563 4168

SERVICIO PUBLICO

Nos ta haci trabou di
 plomeria, electricidad,
 hardineria incluye hiba sushi
 Handy man.
 Tel.742 6250

SERVICIO PUBLICO

Mi ta chapi, lanta sushi, corta
 mata, transporta frigidaire, was-
 machine biew, drecha cas, etc.
 Tel. 564 1979

SERVICIO PUBLICO

Pa haci trabow di verf y chapi,
 tur mantencion di pafor di cas
 Yama y puntra pa Benito na
 Tel.630 5185

TA BUSCA

trabou pa haci cas limpi,
 negoshi of oficina
 Tel.561 3910

SERVICIO PUBLICO

Handyman
 Pa trabouw di verfmento
 plumbing tuberia, chapi,
 limpieza di cura, drecha mata
 Tel : 567 1108

TA BUSCA

Professional Signs & Metal
 mester specialista cu experticia
 cu por traha cu letterman y
 structura di aluminium form
 welding (sign maker y sign
 paint) elabora tambe letter in
 plexiglass
 Tel. 587 0442

SERVICIO PUBLICO

Limpiesa pa cas y auto
 Presure wash cura di cas
 Laba muebles
 Laba tapijt
 Laba sienta di auto
 Laba vloer
 Tel. 593 9464

SERVICIO PUBLICO

Pa trabou di data-entry of
 update di bo administracion pls
 contact:
 Tel.5682339

SERVICIO PUBLICO

Mi ta ofrece servicio di
 electricista en general corto
 circuito y mantencion
 Tel.566 5026

TA HUUR

Un camber cu tur cos inclui na
 Brikstraat 1
 Tel.564 1979

SERVICIO PUBLICO

Masaje relajante, sports ma-
 sages, aroma terapia, piedras
 calientes, reflexologia, faciales
 Sabana Basora # 157 P.Ch.
 Tel. 561 8520

SERVICIO PUBLICO

Mi ta ofrece pa cuida di mucha
 di dialuna pa diabierna y
 weekend. Pa informacion
 Tel. 558 7310

SERVICIO PUBLICO

Nos ta chapi, corta y planta
 mata, brinda tur servicio cu bo
 cura mester. Tira sushi afo, tur
 esaki na un super bon prijs
 Tel. 738 1908

SERVICIO PUBLICO

Ta ofrece pa verf y chapi cura
 bon prijs. Nos ta hiba e sushi.
 Yama pa mas informacion na
 563 4828 / 5679610

SERVICIO PUBLICO

Hacemos todo tipo de construc-
 cion, reparacion de casas, pin-
 tura, acabados finos, jardines,
 patios, techos a buenos precios
 Tel. 569 7539 / 746 0518



Cas Di Cultura

Vondellaan 2 Aruba
 297-582-1010

F A D A

Campanastraat 5 Aruba
 297-583-2999
 297-583-9610
F A V I
 Primavera 233 Aruba
 297-582-5051
 297-582-5222

F E P O

Engelandstraat 15 Aruba
 297-583-1016
 297-583-6607

**Fundacion Contra
 Violencia Relacional**
 Tel: 583-5400

Fundacion Autismo Aruba

Irenestraat 21 Aruba
 297-588-1179

Fundacion Pa Nos Muchanan

Cumana 2 Aruba
 297-583-4247

Fundacion Tel Pa Hubentud

Wilhelminastraat 19
 Aruba
 297-588-6138
**Koningin Wilhelmina
 Fonds**
 Spinozastraat 9 Aruba
 297-582-0412

Mary Joan Foundation
 Sabana Blanco 8 Aruba
 297-588-9999

Rode Kruis Aruba

Pedro Gallegostraat 14
 Tel.297-582-2219
 Fax 588-3376

Famia Planea (SBVO)

Avenida Milio J Croes 17
 B Aruba
 297-588-9591
 www.famiaplanea.org
 famiaplanea@hotmail.
 com

Stichting Fundacion Guia Mi

George Madurostraat 34
 297-582-0088

Y M C A

Calbasstraat 1 Aruba
 297-582-3072

AL-ANON group

Sabana Liber #8, Noord
 (close to the hotels)
 Tel: 736-2952 or
 593-7081



Dokter na warda

Oranjestad San Nicolas
Hospital Imsan
 7:00 pm / 10:00 pm 24 ora

Botica na warda

Oranjestad: San Nicolas:
 Eagle San Nicolas
 Tel. 587 9011 Tel. 584 5712

EMERGENCIA

911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Servicio di Taxi

**Aruba Transfer Tour &
 Taxi C.A.**

Tel: 582 2116 /582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Aurora

Royal Pray

Funeral Home & Crematory

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23



Nos ta anuncia fayecimento di:

Cecilio Efrain Pers

Pa, Pachi, Opa, Mo/Oom Silo
Mihor conocí como: “Silo”
*01-02-1941 - †26-03-2023

Mayornan:
†Hilario Hose Pers y †Juana de la Cruz-Tromp

Na number di su
casa: †Edita Francisca Pers-Figaroa

Yiunan:
Rolando, Annemiek y famia
Rafaella y famia
Raymundo y famia
Rudolfo, Ramona y famia

Manera yiu:
Michael, Orlando, Anhelita, Christiaan, Jack, Warry y Maurice

Nietonan:
Joanna, Joshua y famia, Junior Raymundo, Julien, Aiden y Yoël

Ihanan:
Anthony Figaroa y Darrick van Boekel

Rumannan:
Mirna Pers y famia di rumannan defunto

Subrinonan:
Rinaldi, Yolanda, Astrid, Lydia, Dora, Albert, Johnny, Filonila, Vivian, Marcelino, Giovanni, Vernancio, Marco y Geraldine
Tur su prima y primonan y cuñanan na Aruba, Curacao y Hulanda, Peloteronan di Aruba Juniors, comer y compernan y bisñanan
Demas famia y conocirnan: Pers, Pom, Eckmeyer, Tromp, Nedd, Maduro, Figaroa, Leest, Mulder, Croes, Persijn, Kelly, Franken, Webb, Brugman, Rog, Janga, Estela, Nogra, Richardson, Giel, Lopez-Capicotto, Geerman
Acto di entierio lo tuma lugar Diabierna 31 di Maart 2023 di 2:00 p.m. – 4:00 p.m. na misa Santa Anna na Noord despues sigui pa Santana Santa Anna.
Famia ta pidi disculpa si pa un of otro motibo a lubida number door di nos tristeza.
Despues di acto di entierio no lo ricibi bishita na cas.

Aurora

Royal Pray

Funeral Home & Crematory

“Señor ta mi wardador, mi’n tin falta di nada Den cunucu di yerba berde e ta ponemi sosega.
E ta hibami na awa trankil, Pa mi bolbe haña forsa”. Salmo 23



Cu inmenso dolor na nos curason pero nos ta anuncia fayecimento di:

Regina F. Tromp

*17-04-1951 - †28-03-2023

Acto di entierio lo wordo anuncia despues.

Aurora

Royal Pray

Funeral Home & Crematory

“Senor a podera di mi tristeza y dolor y mi a sintimi alivia. Boso keda cordami cu Amor maske mi ta leu. No laga tristeza podera di boso, pero cumpli cu e curazon kibra den su presencia. P’e seca tur lagrima y duna Consuelo. Corda cu E lo bolbe pa pone sonrisa ariba nos lipnan”.
{Ailene Croes}

Cu inmenso tristeza nos ta partisipa fajecimento di:



Luisita Tromp-Werleman

carinosamente yama “MamaLisa”
* 30-11-1933 - † 26-03-2023

Na number di Esposo: Simon Tromp

Yiunan:
Ricky Tromp y esposa Ailene Tromp Croes
Xiomarr Ivy Thijzen y esposo Ralph Thijzen

Nieto(a)nan:
Alrick Tromp
Wayne Tromp y Maartje Heerkens
Angelic Thijzen
Amily Thijzen

Bisanieta(o): Lela Tromp y Maximilian Pablo

Mayornan: †Daniel y Gregoria Werleman

Rumannan:
†Jan Werleman y famia
†Leon Werleman
†Augustin Werleman y famia
†Johanna Arends Werleman y famia
†Catharina Ras Werleman y famia
†Alex Werleman y famia

Mescos cu yiu: Robby Franken y esposa Cira

Mescos cu nietonan:
Brian Franken esposa Adelle y yiunan, Alain Tromp esposa Inge y yiunan, Chayo Tromp pareha Xuvienne y yiunan

Su ihanan, sobrina y sobrinonan, prima y primonan, swa y Cunanan, bisinanan, bisinanan serca; Helena y Roy.

Demas famianan: Tromp, Werleman, Croes, Thijzen, Arends, Ras, Franken, Gei.

Stichting SABA pa nan cuido na nos Mama Lisa.
Oportunidad pa condolencia: diahuebs 30 Maart 2023 na Royal Funeral Home di 7-9 pm
Acto di despedida ta tuma lugar diabierna 31 maart 2023 na Iglesia Inmaculada Concepcion na Santa Cruz for di 9-11 am. Despues pa Santana Catolico na Sta Cruz.
Ta pidi disculpa si den nos tristeza por a lubida un of otro famia.

Ta lamenta cu despues di entierio no por ricibi bishita di condolencia na cas.

Aurora

Royal Pray

Funeral Home & Crematory

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23



A fayece inesperadamente:

Nigel André Hill

*29 maart 1998 - †15 maart 2023

Na number di su:
Mama: Helga y Alexander Simmons-Hill
Tata: Rafael Wilson
Yiu: Nigely Hoedt
Yiu di criansa: Chelsea Hoedt
Mama di su yiu: Johanna Hoedt

Rumannan:
Elvira Koffijberg-Wilson y Famia
Trudy Wilson y Famia
Tanta y Omonan:
Astrid Hill
Mayra Mercan-Winterdal y Famia
Janine van der Hoorn-Winterdal y Famia
Altagracia Lampe-Winterdal y Famia
Anette Winterdal y Famia
Lizette Winterdal y Famia
Minerva Wilson (Hulanda)
Irma Wilson (Hulanda)
Erick Junior y Famia (USA)
Welo na bida:
Erick Thomas y Famia (USA)
Omo y Tantan grand:
Suzette Curiel y Famia
Julio Curiel y Famia
Pamela Breed y Famia
Silda Curiel y Famia
Hugo Curiel y Famia
Basheba Curiel y Famia
Saskhia Curiel Y Famia
Dino Curiel y Famia
Atilus Curiel y Famia

Primo y Primanan: Jenny-Lee, Jacelyn, Janet, Daphne, Quinten, Jermaine, Shadee, Genee, Shannon, Brittany, Shaniah, Brandon, Crystal, April, Gili, Jaydon y Sophie.

Famianan: Hill, Wilson, Simmons, Winterdal, Mercan, van der Hoorn, Lampe, Thomas, Laveist, Balcazar de las Salas, Kelly, Gonzales, Santos do Nascimento, Vrolijk, Paula, Curiel, Rivera, Jack, Joseph, Richardson, Breed, Thode, Canhigh, Phillips, Bennet, Hoedt, Koffijberg, Perez, Assaad, Garcia, Gibbs.
Demas primo y primanan grandi, amigonan, cono-cirnan (mucho hopi pa menciona) na Aruba y Hulanda. Tur cu a stim’e y yud’e na bida.
Acto di Entierio ta tuma Luga diabierna 31 maart 2023 di 2’or pa 4’or na Misa Santa Teresita na San Nicolas for di 2’or e restonan mortal lo reposa den misa Santa Teresita y despues lo hiba nos defunto stima na su ultimo luga di sosiego na Santana Catolico na San Nicolas.
Adres pa condolencia: Aurora Funeral Home, diahuebs 30 maart 2023 di 7’or pa 9’or anochi.
Nos disculpa si den nos momento di tristeza nos por a lubida algun familiar, amigo of conocir
Despues di entierio no ta ricibi bishita na cas.

Enbes di flor of krans lo tin un box disponible pa un bon causa.

Coleccion di potret di Frater awo tambe disponibel via Coleccion Aruba

Mihor conoci como e “fraternan”, e Fraters van Tilburg tabata traha den Caribe pa decadanan largo, y a saca hopi potret di entre otro Corsou, Boneiro, Surnam, Aruba, Trinidad y Guyana Frances y Ingles.

Un parti di e coleccion “Herencia di Caribe” di e fraternan ta disponibel online via e website di e museo di e ciudad di Tilburg desde 2018: <https://stadsmuseumtilburg.nl/collecties/>. Entrante fin di Maart di 2023 tur potret for di e coleccion di Fraters cu ta trata di Aruba tambe ta parti di Coleccion Aruba: <https://coleccion.aw/fraters>.


“Dentro di e Proyecto Coleccion Aruba nos ta trahando duro pa pone tur ‘pida di e puzzel’, tur parti di nos herencia di Aruba, di nos cultura, di nos historia, disponibel un solo caminda online. E coleccion di Fraters van Tilburg ta un di e tesoronan fotografico di e herencia di Aruba y di Caribe”, segun Pether Scholing, cu ta responsabel pa digitalisacion, coleccionnan digital y investigacion na Biblioteca Nacional Aruba (BNA).

“Desde 2019 BNA tin su propio coleccion digital online, cu a crece te casi 50 mil items. Na 2022 coleccion aki a forma e base di Coleccion Aruba, un iniciativa nobo, cu tin como meta pa uni tur coleccion documental, historico y cultural na Aruba y di Aruba. Aparte di BNA Coleccion Aruba tin como partnernan fundador: Archivo Nacional Aruba (ANA) y UNOCA. Mientrastanto diferente partner local a join a e iniciativa aki, manera Museo Arkeologico Nacional Aruba (MANA) y Stichting Monumentenfonds Aruba.”

“E colaboracion cu Stads-
museum Tilburg riba e tere-
no di e coleccion di e fratenan
ta pas hopi bon den nos vision
mas grandi, pa conecta no
solamente e coleccionnan cu
ta riba nos isla mes, pero tam-
be trece e coleccionnan cu no
ta fisicamente na Aruba ‘bek
den nan contexto original
digitalmente, den e Colec-
cion Aruba. Recientemente,
colaboracionnan y intercam-
bionan asina a tuma lugar
cu entre otro e Koninklijk
Huisarchief y cu Koninklijke
Bibliotheek. Nos ta spera cu
nos por anuncia mas colabo-
racionnan asina cu instanci-
anan Hulandes pronto.”

“E colaboracion aki pa cu e coleccion di e Fraternan tabata un deseo pa basta tempo caba, y mi ta hopi contento cu nos a logra finalis’e, hunto cu Stadsmuseum Tilburg y Erfgoed Brabant! Nos kier gradici Petra Robben, Rien Visser, Cris Kremers y e Fraters van Tilburg pa nan permiso y pa e cooperacion,” segun Scholing.

Petra Robben, curator di e



Stadsmuseum Tilburg: “Mi ta sumamente contento cu e herencia cultural , for di nos database, ta yega un publico hopi mas grandi na Aruba, via Coleccion Aruba. Dor di ‘primi un solo knopi e conocimiento di nos coleccion ta bira mas grandi, djies pa via di un intercambio di data,” Rien Vissers, archivista di Fraters CMM: “E archive central di e Fraters van Tilburg (CMM) ta hay’e hopi special, cu e coleccion di potret di e fratenan.

cu a biba y a traha na Aruba pa hopi tempo, awo ta disponibel via Coleccion Aruba. E ta un honor pa asina keda forma parti di e historia di Aruba.”

Pa mas informacion di e coleccionnan digital di Coleccion Aruba y di BNA, of pa colabora: tuma contacto cu Peter Scholing (BNA), peter@bna.aw.

Dia 31 di maart 2023 ta e fecha final pa entrega e ‘verzamelloonstaat’ y
‘verzamelstaat opgaaf derden’ di aña 2022

Departamento di Impuesto ta recorda cu e fecha final pa entrega e lista colectivo di salario (verzamelloonstaat of VZL) y e lista colectivo di pago na tercera persona (verzamelstaat opgaaf derden of VOD) di aña 2022 ta 31 di maart 2023.

Tur doño di trabao of comerciante mester entrega e listanan menciona den forma digital via e portal 'BO impuesto' di Departamento di Impuesto. Si un doño di trabao of comerciante no ta registra como usuario den e portal menciona, lo mester haci esaki mas lihe posibel. Pa registra como usuario di e portal mester haci un cita via: [https://www.impuesto.aw/afspraak maken met DIMP](https://www.impuesto.aw/afspraak%20maken%20met%20DIMP)

Si un usuario no ta logra log in den e portal, por manda un e-mail na boi@impuesto.aw of yama 522 7437.

E doño di trabao of comerciante por yena e datonan rekeri den e portal mes of por scoge pa upload e file XML

cu ta wordo produci door di su programa di payroll. Alabes tin e opcion pa uza e MS Excel filenan di Departamento di Impuesto cu yama “e-

Verzamelloonstaat” y “e-Verzamelaarstaat Opgeef Derden”. Por baha e filenan aki for di e website di Departamento di Impuesto Loonbelasting |



Departamento di Impuesto.

Ta bon pa tene na cuenta cu
no ta posibel mas pa entrega
un USB-stick of manda e
filenan via e-mail.

Departamento di Impuesto ta conseha tur contribuyente pa cumpli na tempo debi cu no ta bay tin prolongacion di termino. Keda sin entrega e ‘Verzamelloonstaat’ of e ‘Verzamelstaat opgaaf derden’ di aña 2022 lo por nifica cu e contribuyente lo por ricibi un cobransa adicional (naheffingsaanslag) inclui boet di Afl. 10.000 maximo.

Pa mas informacion to-
cante verzamelloonstaat y/
of verzamelstaat opgaaf
derden por consulta e web-
site www.impuesto.aw via
e siguiente linknan: [https://
www.impuesto.aw/verzammeloonstaat-vzl/](https://www.impuesto.aw/verzammeloonstaat-vzl/) [https://www.
impuesto.aw/verzamelstaat-
opgaaf-derden-vod](https://www.impuesto.aw/verzamelstaat-opgaaf-derden-vod).

Senado ta vota pa revoca aprobacion pa guerra na Irak

(AP) — Senado Mericano ayera a vota pa revoca e resolucion cu a duna luz berde pa invasion di Irak, un esfuerse bipartisano pa debolbe un poder basico di guerra na Congreso 20 aña despues di un autorisacion cu hopi awo ta mira como un error.

Ta calcula e cantidad di fayecido na Irak den cien-miles, y casi 5mil tropa Mericano a perde nan bida den e guerra despues cu administracion di presidente George W. Bush falsamente a bisa cu Saddam Hussein tabata almacenando arma di destruccion masivo. “E cuerpo aki a core bay den un guerra” cu tabatin consecucionnan masivo, segun senador Tim Kaine, un Demócrata cu a pusha pa años pa revoca e poder.

Senadornan a vota 66-30 pa revoca e medida di 2002 y tambe e autorisacion di 1991 cu a sanciona e Guerra di Golfo lidera pa Merca. Si e pasa den Congreso, no ta



spera cu e revocacion lo afecta ningun despliegue militar actual. Pero legisladornan den ambos partido ta buscando cada bes mas pa tuma back podernan congresional cu a duna Cas Blanco pa atake y despliegue militar Mericano,

y algun legislador kende a vota pa Guerra na Irak dos decada atras awo ta bisa cu tabata un error. Senador Robert Menendez, D-NJ a nota cu lo ta prome biaha den mas di 50 aña cu Congreso lo revoca un voto

di poder guerra, desde cu a revoca e resolucion di Golfo di Tonkin cu a autorisa forsa militar na Vietnam den inicio di añanan 1970.

Sostenedornan, incluyendo 18 senador Republicano, ta

bisa cu e revocacion ta crucial pa preveni abuso den futuro y pa reforsa cu Irak awo ta un partner strategico di Merca. Oponentenan ta bisa cu e revocacion por proyecta debilidad mientras Merca ainda ta enfrente conflicto den Medio Oriente. “Nos enemigo terrorista no ta cabando nan guerra contra nos,” segun senador Mitch McConnell, kende ta na cas recuperando di un caida anteriormente e luna aki y no por a vota.

E futuro di e revocacion ta menos sigur den Congreso, unda 49 republicano a un cu demócratanan den sostiene un ley similar dos aña pasa. Presidente di Congreso, Kevin McCarthy a sugeri cu e ta abierto pa sostene un revocacion maske anteriormente tabata opuesto, pero Rep. Michael McCaul di Texas, e presidente Republicano di e Comité Congresional di Asunto Exterior, a indica cu e lo kier reemplas’e cu algo otro, pero no ta cla kico esey lo ta.

Presidente ta bisa cu Gazprom ta cerca di suministro maximo di gas na China

(AP) — Gazprom di Rusia ta aumentando suministro di gas na China y ta spera di alcanza e nivel maximo planifica pronto a traves di un tubería Siberiano, segun su presidente a bisa ayera, resaltando e importancia di Beijing como e mercado top di exportacion pa su pais dilanti di sancionnan occidental pa motibo di invasion di

Ucrania.

Gazprom ta negociando cu China tocante un posible proyecto di suministro adicional door di bisiña Mongolia, segun Viktor Zubkov a bisa na un forum economico organisa pa gobierno. El a bisa cu e compania ta habri pa sirbi otro mercadonan Asiatico.

Gobierno di lider Chines, Xi Jinping ta mira Moscu como un partner diplomatico den opone dominio Mericano riba asuntonan global y a nenga di critica e invasion di Ucrania. Beijing a haci un yamado pa alto al fuego y negociacion, pero no pa Rusia retira.

Importacionnan di China for di Rusia, principalmente aze-

ta y gas, a aumenta 31.3% riba aña pasa na januari y februari na \$18.6 biyon. Esey ta yuda presidente Vladimir Putin contraresta perdida di entrada despues cu Merca, Europa y Hapon a blokea of limita importacion. Zubkov a bisa cu “e suministro di gas door di e tubería Power of Siberia pronto lo alcanza e volumen anual contrata di 38 biyon meter cubico.”

Gazprom ta negociando cu compania estatal Chines, National Petroleum Corp. riba un proyecto di suministro di gas door di Mongolia cu ta diseña pa carga 50 biyon meter cubico, segun Zubkov.

Tambe na e forum, e vicepresidente di agencia di planeamento di gabinete Chines a bisa cu Beijing ta bay balansa su plannan pa reduci emision di carbon cu su necesidad pa seguridad energetico. China ta e emisor mas grandi di gasnan industrial cu ta cambia clima.

E Partido Comunista den gobierno a aumenta minería di carbon y construccion di stacionnan generador podera pa carbon despues cu escasez na fin di 2021 a causa blackout y a forsa fabricanan den algun area pa shut down temporalmente. Xi a bisa na 2020 cu emisionnan di carbon lo peak pa 2030 pero no a anuncia un nivel obhetivo.

“Nos ta bay promove carbon peaking y neutralidad di carbon activa- y prudentemente,” segun Zhao Chenxin di Comision Nacional di Desarrollo y Reforma. “Sinembargo, nos mester balansa su relacion cu seguridad di energia y desarrollo.”

